

Objavljeno: 14.01.2012 ; 16:18 | Autor: M. Aš.

Iz "Elektroprivrede" je saopćeno da će akcija darivanja štednih sijalica trajati do 16. februara ove godine

## **Poklon "Elektroprivrede BiH": Penzionerima po dvije štedne sijalice**



Odluka "Elektroprivrede BiH" da pokloni po dvije štedne sijalice penzionerima s najnižom penzijom i korisnicima stalne novčane pomoći u svih pet podružnica "Elektrodistribucije" (Bihać, Mostar, Sarajevo, Tuzla i Zenica) za Mehmedaliju Rapu, potpredsjednika Saveza udruženja penzionera FBiH, za svaku je pohvalu. On ističe da bi se odluka trebala odnositi na sve penzionere, a ne samo na jednu kategoriju.

-I ranije su u "Elektroprivredi BiH" imali slične aktivnosti, i to u dva navrata. Tada su sijalice dijelili svim penzionerima. No, bez obzira na sve, zahvalni smo im i na ovome. Ove sijalice koštaju šest i sedam maraka i od velike su pomoći za smanjenje troškova električne energije - kaže Rapa.

Iz "Elektroprivrede" je saopćeno da će akcija darivanja štednih sijalica trajati do 16. februara ove godine, a penzioneri će ih moći preuzeti prilikom plaćanja računa za električnu energiju.

# OSLOBODENJE

EKONOMIJA

17.02.2012. | PIŠE: FENA

## BLOK 6 PONOVO U POGONU

### Povećanje proizvodnje u TE Kakanj

**Ulazak u pogon Bloka 6 će JP Elektroprivreda BiH omogućiti povećanje proizvodnje za dodatnih 600 miliona kWh električne energije**



U Termoelektrani Kakanj je nakon 11 mjeseci zastoja zbog revitalizacije pušten u probni rad Blok 6 - 110 MW.

Ulazak u pogon Bloka 6 će JP Elektroprivreda BiH omogućiti povećanje proizvodnje za dodatnih 600 miliona kWh električne energije, a rudarima za ovu proizvodnju na godišnjem nivou isporuku više od 500 hiljada tona uglja.

Blok 6 je u proteklom periodu bio podvrgnut revitalizaciji, koja je uprkos veoma teškim vremenskim uvjetima uspješno privedena kraju, zahvaljujući upornom radu stručnjaka TE Kakanj i uz svesrdnu podršku Uprave JP Elektroprivreda BiH.

Revitalizacijom će radni vijek bloka biti produžen za još 15 godina, saopćeno je iz Službe za komunikacije EPBiH.

Objavljeno: 12.03.2012; 16:25 | Autor: Fena

To bi značilo 15 KM toplog obroka i 907 KM regresa

## **Rudari traže isti regres i topli obrok kao zaposlenici Elektroprivrede BiH**



Predsjednik Sindikata rudara Bosne i Hercegovine Fikret Berbić izjavio je novinarima u Sarajevu da su privedene kraju aktivnosti čiji ishod treba da bude da zaposlenici u rudnicima u Federaciji BiH, udruženi u zajednički koncern s Elektroprivredom, od 1. januara ove godine imaju jednake naknade za topli obrok i regres za godišnji odmor kao uposlenici Elektroprivrede.

To bi značilo 15 KM toplog obroka i 907 KM regresa.

Berbić je dodao da će se sindikat zalagati i za približavanje plaća u koncernu. On je to izjavio na preskonferenciji danas u sjedištu Federalne vlade u Sarajevu nakon sastanka koji su federalni premijer Nermin Nikšić te ministar energije, rudarstva i industrije Erdal Trhulj održali s direktorima Elektroprivrede BiH, sedam rudnika koji su u sastavu koncerna, kao i s predstavnicima sindikata rudara. Cilj je bio pregled poslovanja rudnika unutar koncerna.

Ministar Trhulj je rekao da su svi učesnici sastanka zadovoljni i da se očekuje da će rudnici početi pozitivno poslovanje 2014. godine, kada će se pokazati pravi efekti njihovog udruživanja u koncern, kao i efekti primjene federalnog zakona o njihovoj finansijskoj konsolidaciji.

Gubici rudnika smanjeni su sa 60 miliona KM na 40 miliona i očekuje se dalje smanjenje.

Elektroprivreda BiH će morati pratiti realizaciju i na vrijeme se očitovati, ako treba i smjenjivati upravne strukture ako se ispostavi da ne mogu doprinijeti cilju da rudnici 2014. posluju pozitivno, rekao je ministar.

Ima mogućnosti i opredjeljenja da svi rudnici krajem 2014. zabilježe pozitivno poslovanje i da novac po osnovu racionalizacije poslovanja bude upotrijebljen za bolja primanja i jači socijalni status zaposlenika u rudnicima, rekao je nakon toga direktor Elektroprivrede BiH Elvedin Grabovica. Dosad je investirano 45 miliona KM, a trenutno je u proceduri oko 60 miliona KM za opremu i modernizaciju rudnika, dodao je.

I on je saopćio da su zvaničnici Federalne vlade obaviješteni na današnjem sastanku da su u koncernu na tragu dogovora o izjednačavanju visine toplog obroka i regresa.

# OSLOBODENJE

EKONOMIJA

13.03.2012. | PIŠE: Hajdar ARIFAGIĆ

## VLADA FBIH I ELEKTROPRIVREDA ANALIZIRALI RAD RUDNIKA

### Regres u rudnicima 907 KM

**Unutar koncerna izjednačena i izdavanja za topli obrok . Od 2014. godine svi rudnici treba da posluju bez gubitaka \* U toku investiranje 60 miliona KM**



Od 1. januara ove godine u Koncernu Elektroprivrede BiH u okviru koje posluje i većina rudnika uglja u Federaciji biće primijenjeni jedinstveni kriteriji pri isplati naknade za topli obrok i regres.

Vlada Federacije BiH, Elektroprivreda BiH, i rudnici uglja stavove o tome u prisustvu predstavnika sindikata usaglasili su tokom jučerašnjeg sastanka u Sarajevu. Sastanak je rezultirao odlukom da se zaposlenima u koncernu za topli obrok isplaćuje 15 KM dnevno, a na ime regresa za godišnji odmor 907 KM.

### Moglo je i ranije

To znači da će rudari u odnosu na dosadašnju visinu (između 15 i 16 KM) na ime toplog obroka primati nekoliko desetina feninga manje, a za regres oko 300 KM više, jer su do sada prosječno dobivali oko 600 KM. Visina regresa u Elektroprivredi BiH iznosila je između 1.000 i 1.100 KM.

Predsjednik Sindikata rudara BiH Fikret Berbić na konferenciji za novinare održanoj po okončanju sastanka izrazio je zadovoljstvo postignutim rješenjem, a predsjednik Sindikata rudara Federacije BiH Fikret Suljić u izjavi za Oslobođenje izrazio je nezadovoljstvo. Sve su ovo mogli napraviti mnogo ranije - objasnio je razloge tog nezadovoljstva.

Povod sastanku bila je analiza poslovanja rudnika uglja i Elektroprivrede BiH, posebno sa stanovišta racionalizacije i poboljšanja i podsticaja da se proces finansijske konsolidacije rudnika do kraja ostvari. Cilj je da u 2014. godini rudnici posluju bez gubitaka.

Objavljeno: 18.03.2012; 06:16 | Autor: Goran MRKIĆ

Ne očekujemo tužbe, ne samo od "Rudnapa" već ni od jedne kompanije

## **Elvedin Grabovica, direktor "Elektroprivrede BiH": Počinjemo gradnju energetske objekata**



Generalni direktor "Elektroprivrede BiH" (EPBiH) Elvedin Grabovica kaže da bi ove godine trebala početi gradnja energetske objekata čija je vrijednost više stotina miliona KM. U intervjuu za "Dnevni avaz" Grabovica govori i o proizvodnji te izvozu električne energije.

### **Prekid izvoza**

***Kolike je štete EPBiH pretrpjela tokom prošlomjesečnih vremenskih nepogoda, odnosno koliki su gubici?***

- U tom periodu samo jedno nam je bilo bitno: očuvati sistem i ne dopustiti da stanovništvo i privreda ostanu bez električne energije. Od štete koju smo pretrpjeli, a u kojem je to omjeru još se procjenjuje, daleko veća bi bila ona koju bi izazvao raspad sistema, što se nije desilo. Snabdijevanje strujom bilo je bez prekida. No, energetske lobi, čije smo namjere osujetili, koristi i takve okolnosti da napada, kritizira i plasira neistine i špekulacije. Oni su i otvorili priču o našem poslovanju s Konzorcijem "Rudnap". Trenutno, aktuelna je priča o tome koliko je izvezeno električne energije. Da smo u februaru izvozili kontinuirano, bez prekida, naši građani i privreda bili bi oštećeni. I opet bismo bili na meti napada. Učinjeni su maksimalni, nadljudski naponi da se očuva sistem, njegov integritet. Građani su imali priliku da vide kako se radilo tih dana u termoelektranama i rudnicima.

***Hoće li, eventualno, biti tužbi od kompanija kojima je struja u februaru trebala biti prodana, a nije zbog obustave izvoza?***

- Ne očekujemo tužbe, ne samo od "Rudnapa" već ni od jedne kompanije s kojom imamo potpisan ugovor o prodaji električne energije. U svakom od njih postoji klauzula "viša sila", odnosno predviđen je mogućí utjecaj više sile na nemogućnost realizacije. Ko može osporiti da smo u februaru imali višu silu, koja je bila evidentna.

## **Nova ulaganja**

***Stalno se govori o neophodnosti ulaganja u izgradnju novih elektroenergetskih objekata. Hoće li ove godine biti takvih ulaganja i aktivnosti?***

- Bh. javnost je prezasićena i umorna od priče o generacijskim projektima koji će dovesti do totalne preobrazbe BiH nabolje. Od našeg dolaska u EPBiH, mislim na novu Upravu, činimo sve kako bismo ove godine i počeli graditi i to konkretno hidroelektranu (HE) Vranduk, čija je vrijednost 126 miliona KM, male HE na Neretvici, za koje je potrebno 97 miliona KM, te vjetropark Podveležje, vrijedan 125 miliona KM. Konačno bi se trebalo krenuti i s Blokom 8 u Termoelektrani Kakanj i "sedmicom" u Tuzli. U planu poslovanja od 2012. do 2014. godine planirano je investiranje u 11 objekata, od kojih bi dva trebalo da budu puštena u pogon u ovom trogodišnjem periodu.

## **Stabilizacija proizvodnje**

***Kakvo je trenutno stanje u vezi s proizvodnjom struje?***

- Sa stabilizacijom vremenskih prilika stabilizirala se i situacija u proizvodnji. Očekujemo poboljšanje u našim akumulacijama nakon otapanja snijega. Prošlu godinu smo okončali s izrazito lošom hidrološkom situacijom, što se, svakako, odrazilo na omjer u proizvodnji hidro u odnosu na termo kapacitete. Izvoz električne energije nastavljen je 18. februara. Napominjem da se odluka o obustavi isporuke koju smo donijeli 7. februara odnosila na sve naše partnere.

# OSLOBODENJE

EKONOMIJA

22.03.2012. | PIŠE: FENA

## PRVI PUT U ISTORIJI

### Zajednička sjednica uprava JP Elektroprivrede BiH i Elektroprivrede HZHB

**Dogovoreno je i da se zajedničke sjednice uprava održavaju svakih šest mjeseci**



Uprave JP Elektroprivrede BiH i Elektroprivrede HZ HB - održale su u srijedu prvu zajedničku sjednicu u prostorijama JP Elektroprivrede BiH. Sjednicom su predsjedali Elvedin Grabovica i Nikola Krešić, generalni direktori dviju federalnih elektroenergetskih kompanija.

Prva zajednička sjednica uprava u istoriji postojanja dviju elektroprivreda, rezultirala je konkretnim zaključcima o formiranju zajedničkih timova u oblasti trgovine električnom energijom, distributivne djelatnosti, kapitalnih investicija i tima za zajednički nastup dviju kompanija prema regulatorima – FERK-u i DERK-u te Elektroprijenosu BiH i NOS-u i federalnim institucijama.

Rok za formiranje timova je 15 dana. Timovi koje će činiti eksperti dviju kompanija, trebalo bi da omoguće brže iznalaženje rješenja za aktuelne probleme s kojima se elektroprivrede suočavaju u poslovanju i planiranju budućih aktivnosti.

Dogovoreno je i da se zajedničke sjednice uprava održavaju svakih šest mjeseci.

Čelnici dviju federalnih elektroprivreda ocijenili su sastanak u Elektroprivredi BiH kao pozitivan iskorak u unapređenju međusobnih odnosa i uspješnijem funkcionisanju obje kompanije, saopćeno je iz Službe za komunikacije JP EPBiH.

Objavljeno: 06.04.2012 16:40 | Autor: Fena

Nova investicija JP EPBiH omogućit će RMU „Kakanj“ povećavanje utovarnih kapaciteta

## **Rudnik u Kakanju dobio elektro-hidraulični bager od 4 miliona KM**



Generalni direktor Javnog preduzeća Elektroprivreda BiH Elvedin Grabovica i direktor Zavisnog društva Rudnik mrkog uglja „Kakanj“ Mirsad Jašarspahić danas su pritiskom dugmeta, na površinskom kopu „Vrtlište“, pokrenuli i u rad pustili elektro-hidraulični bager, vrijedan 4.295.000 KM. Ugovor za nabavku bagera potpisan je 14. septembra prošle godine, a isporučilac opreme bio je sarajevski „Teknoxgroup BH“ d.o.o. Kupovina bagera realizovana je iz

sredstava dokapitalizacije JP Elektroprivreda BiH.

„Nova Uprava Elektroprivrede ne daje samo obećanja već ih ispunjava. Rekli smo da ćemo ovu godinu pretvoriti u investicionu u dokapitalizaciju, modernizaciju rudnika koji se nalaze u Koncernu Elektroprivrede BiH. Međutim, pored naših obećanja postavljamo i očekivanja od menadžmenta rudnika, a ona su bolji i moderniji uslovi rada ali i pozitivno poslovanje, te očekujemo da svi rudnici u Koncernu do 2014. počinju napokon pozitivno poslovati“, izjavio je Elvedin Grabovica.

Nova investicija JP EPBiH omogućit će RMU „Kakanj“ povećavanje utovarnih kapaciteta na površinskoj eksploataciji uglja, što će doprinijeti povećavanju produktivnosti i efektivnijem usklađivanju tehnološke linije na utovaru uglja i otkrivke. Elektro-hidraulični bager, s utovarnom kašikom kapaciteta 10 metara kubnih i minimalne snage od 600 kW, u potpunosti zadovoljava sadašnje, ali i buduće potrebe rudnika.

„Puštanjem u rad bagera postiže se povećavanje utovarnih kapaciteta na površinskoj eksploataciji uglja. Jedna od prednosti je i korištenje električne energije, za razliku od opreme koja kao pogonsko gorivo koristi naftu. Ovom investicijom i s nabavkom pet novih dampera koje očekujemo, da se okonča procedura nabavke do kraja mjeseca, pokazujemo koliko je ovaj kakanjski bazen spreman i zapostojeće blokove u Termoelektrani i blok broj 8 koji se uveliko najavljuje“, izjavio je Mirsad Jašarspahić.



# OSLOBODENJE

KONOMIJA

06.04.2012. | PIŠE: FENA

## ELEKTROPRIVREDA BiH

### Nova investicija u RMU Kakanj vrijedna 4,2 miliona KM

**Nabavka elektro-hidrauličnog bagera za potrebe RMU "Kakanj" nastavak je kontinuiranog procesa dokapitalizacije, putem koje JP Elektroprivreda BiH u RMU "Kakanj" planira investirati 66,9 miliona KM**



Na površinskom kopu "Vrtlište" Rudnika mrkog uglja "Kakanj" danas će biti pušten u rad elektro-hidraulični bager vrijedan 4,2 miliona KM.

Nova investicija Javnog preduzeća Elektroprivreda BiH (JP EPBiH), omogućit će Rudniku "Kakanj" povećavanje utovarnih kapaciteta na površinskoj eksploataciji uglja, što će doprinijeti povećavanju

produktivnosti i efektivnijem usklađivanju tehnološke linije na utovaru uglja i otkrivke (stijenske mase).

Elektro-hidraulični bager, s utovarnom kašikom kapaciteta 10 m<sup>3</sup> i minimalne snage od 600 kW, u potpunosti zadovoljava sadašnje ali i buduće potrebe rudnika, saopćeno je iz Službe za komunikacije JP EPBiH.

Nabavka elektro-hidrauličnog bagera za potrebe RMU "Kakanj" nastavak je kontinuiranog procesa dokapitalizacije, putem koje JP Elektroprivreda BiH u RMU "Kakanj" planira investirati 66,9 miliona KM.

Putem dokapitalizacije rudnika koji su u sastavu Koncerna EPBiH, JP EPBiH će u rudnike investirati ukupno 204 miliona KM.

JP EPBiH će konkretnom finansijskom potporom nastaviti s modernizacijom rudnika što podrazumijeva i poboljšanje uvjeta rada i standarda rudara.

Puštanju u rad elektro-hidrauličnog bagera prisustvovat će, generalni direktor JP Elektroprivreda BiH Elvedin Grabovica, članovi Uprave JP EPBiH i Rudnika mrkog uglja "Kakanj", navodi se u saopćenju.

# OSLOBODENJE

VIJESTI > 5. APRIL 1992 - 5. APRIL 2012.

09.04.2012. | PIŠE: Hajdar ARIFAGIĆ

## SVJETLO U TAMI RATNOG VELEGRADA

### Struja kroz paukovu mrežu

Čak i kad ništa nije bilo nemoguće, monteru su u čvor vezali užu od 110.000 volti i svjetlo je obasjalo grad, sjeća se Irfan Durmić



Irfan Durmić:

Najteže je bilo pregovarati: Foto: D.ĆUMUROVIĆ

Sarajevo se, sve do početka agresije, električnom energijom napajalo iz 14 ulaza i kako su tada tvrdili stručnjaci, nije postojala tehnička mogućnost da grad duže vremena ostane bez napajanja, čak i u slučaju da dođe do raspada elektroenergetskog sistema Jugoslavije

Ta pouzdanost dokazana je i tokom održavanja XIV zimskih olimpijskih igara, kada je za funkcionisanje elektroenergetskog sistema bio odgovoran diplomirani inženjer, elektroenergetičar Irfan Durmić.

Agresija ga je zatekla na mjestu direktora sarajevskog Elektroprenosa u sistemu Elektroprivrede BiH sa sjedištem u Blažuju. Sedamnaestog aprila 1992. godine iz Kriznog štaba Ilidže javili su mu da do daljnjeg ne dolaze na posao. Rat mu je promijenio i ime. Postao je Irfan Strujić jer je jedno vrijeme istovremeno bio i direktor Elektrodistribucije Sarajevo. „Bog i batina" za struju koje nije bilo, odnosno bilo je onoliko koliko je potrebno za rad bolnica i frižidera u Zavodu za transfuziologiju u kojima su čuvane rezerve krvi. Ponekad i više od toga, čak i za reflektore za predstavu u Sarajevskom ratnom teatru, smrtni slučaj, rođenje djeteta, fudbalsku utakmicu između političara i privrednika u Skenderiji. Ili, kao 5. aprila 1994. godine, na stogodišnjicu paljenja prve sijalice u Sarajevu i dovođenja električne energije u ovaj dio Balkana.

Ljudima koji godinu ili mjesecima nisu vidjeli upaljenu sijalicu bilo je teško povjerovati vidjevši da gore duž Ferhadije, oko Vječne vatre, u Titovoj ulici.

Listamo ratni dnevnik Irfana Durmića i bilježimo kazivanje čovjeka koji je za ono što je radio imao povjerenje i odgovornost pred upravom Elektroprivrede BiH. No bilo je tu i ponosa, prkosa, inata da grad mora da živi i pokaže da je živ. Zbog toga je među prioritete u raspodjeli malih količina struje stavio kulturne institucije (da imaju struje dok traje predstava), a u kvartovima gdje je to bilo moguće,

frizerski salon, poneki restoran, čevabdžinicu.

**HRONOLOGIJA MRAKA:** Opsada Sarajeva započela je prekidom i rušenjem dalekovoda što su vodili do 12 ključnih trafostanica dovodeći električnu energiju iz hidroelektrana Jablanica i Višegrad i termoelektrana Kakanj i Tuzla. Veza sa elektroenergetskim sistemom svedena je samo na jedan, a kratkotrajno dva 110-kilovoltna dalekovoda povezana sa trafostanicama Reljevo, Velešići i Buča Potok. Praktično sve do 13. oktobra 1993. godine u funkciji je bila samo jedna napojna tačka TS Sarajevo 7 pa je cijelo područje grada napajano iz ovog izvora putem 10-kilovoltne veze, nedovoljne da opskrbi sve potrošače što je uzrokovalo česte kvarove. Bilo je to nedovoljno za grad koji je samo nekoliko mjeseci prije tih događaja dnevno trošio 180 megavata električne energije. Da bi se pravilno raspodijelile male količine struje energije, uvedene su redukcije, a nedugo potom nastupio je višemjesečni mrak.

Najduži periodi u 1992. godini bez električne energije bili su od 9. avgusta do 8. septembra, od 20. septembra do 15. oktobra te od 7. decembra do kraja te godine. Ukupno 78 dana.

Tokom 1993. godine grad je bez napajanja električnom energijom bio 140 dana. Posebno dug bio je period od 21. juna do 13. avgusta, a tokom dužih perioda grad je raspolagao samo sa dva do tri megavata električne energije.

**PREGOVORI:** Jedini način u pokušajima rješavanja popravljivanja oštećenih ili porušenih dalekovoda i trafostanica bili su pregovori sa ljudima iste profesije na drugoj strani, uglavnom predratnim radnicima Elektroprenosa i Elektrodistribucije Sarajevo. Razgovori su se uglavnom odvijali na Aerodromu Sarajevo i ja sam jedan od prvih ljudi koji je išao tamo, dvadeset puta bez garancije za siguran povratak. Najvažniju i najtežu etapu dovođenja električne energije u grad prolazilo je 14 članova naše multietničke ekipe u kojoj su bili i radnici Energoinvesta popravljajući oštećene dalekovode, često i na „ničijoj“ zemlji.

Nezaobilazan faktor koji je direktno uticao na naš rad bio je UNPROFOR. I pored pomoći koju nam je pružao kod osiguranja uslova za rad, otežavajuća je bila veoma spora procedura koju su provodili. Zahtjev za opravku morao se podnijeti čak 48 sati prije izlaska na teren, što je trajalo sve dok se na moju intervenciju komandant mirovnih snaga general McKenzie nije udobrovoljio.

**NAJTEŽI DAN:** Dogovoreno je da 26. juna 1992. godine naša sedmeročlana ekipa izađe na Hotonj na opravku dalekovoda 110 kV (Reljevo - Koševo). Otišli su tamo. Lokacija je bila vidljiva sa svih strana. Već oko jedanaest sati stigla je obavijest da se na njih puca. Potom su ih zasuli granatama. Putem radioveze u jednom trenutku se čulo: „Pobiše nas, pomozite nam, zemlja od granatiranja već pada po nama“. Bojao sam se da granata ne pogodi kamion kojim su tamo stigli. Sačuvali su prisebnost i hrabrost da se iz kamiona uz podršku s naše strane jedan po jedan domognu najbližih kuća. Netom iza toga kamion je pogođen i uništen. Tek kasno poslije podne putem opasnim po život vratili smo ih u grad. Sutradan su ponovo otišli na rad i to na istu lokaciju i obavili zadatak.

Najteži dan bio je i 22. avgust 1995. godine kada je poginuo Irhad Lukovac, radnik na telekomunikacijama, prijatelj i pratilac s kojim sam čitav rat proveo zajedno. Takvi su i svi drugi dani u kojima sam saznavao o pogibiji radnih kolega, drugova, prijatelja.

**TESLA I SIZIF:** Teško je bilo doći do malih količina električne energije iz elektrana u Jablanici i Kaknju koristeći se raznim tehničkim rješenjima i prespajanjima koja bi u mirnom vremenu bilo van pameti raditi. Nikola Tesla bi sigurno rekao da je to za neki njegov novi rad, jer smo mi vrlo brzo nakon početka rata ostali bez opreme. Bukvalno se znalo dešavati da su radnici na terenu u situaciji kada nema spojnice u čvor vezali užu sa 110.000 volti. Time smo dovodili u pitanje većinu važećih propisa u elektroenergetici. Katkad bi potrošači za koje se struja morala obezbijediti po svaku cijenu zavisili i o staroj hidroelektrani na Hridu, koju je pokretala voda sa Trebevića, dok je bilo vode (jer su i nju zavrnuili) i njenih 200 kilowata. Poseban problem bilo je masovno otuđivanje trafoulja korištenog za pogon privatnih golfova. Iz 250 trafostanica otuđeno je 100 tona transformatorskog ulja, uz to su i

znatno oštećene ostale van upotrebe.

Uvođenje kategorije „prioritetnih potrošača“, nesavjesni građani iskoristili su da na tehnički neispravan, i po život opasan, način priključuju struju u svoj stan. Pored svih teškoća, morali smo svakodnevno da se borimo protiv te pojave koja je direktno ugrožavala sigurnost sistema u gradu. Pritom smo često morali tražiti i intervenciju policije, no paukova mreža bespravnih priključaka se širila. Naša istrajnost i upornost donosila je rezultate, no ipak je to bio Sizifov posao. U toku dana poskidamo bespravne priključke. Ujutro osvanu novi. Od velike važnosti u toj aktivnosti bila je pomoć građana, civilne zaštite i našeg informativnog centra. Zabilježen je samo jedan smrtni slučaj u Velešićima pri pokušaju otuđivanja električne energije prebacivanjem žice preko dalekovoda. Sarajlije su se snalazile na razne načine koristeći čak i niski napon iz telefonskih žica kako bi sijalicom iz baterijske lampe osvijetlili dio stana.

**KONAČNO DEBLOKADA:** Posljednjeg dana 1994. godine pod napon je stavljen visokonaponski podzemni kabl snage 35 kilovolti pa je svako domaćinstvo mjesečno moglo dobiti po 100 kilovatsati, odnosno 3,3 kWh dnevno.

Elektroenergetsku deblokadu Sarajeva uspješno smo okončali u decembru 1995. godine puštanjem pod napon 110-kilovoltnog kabla kojim je u grad iz Jablanice i Kaknja dovedena električna energija snage 80 megavata. Kabl je od Tarčina do Sarajeva kroz tunel ispod aerodromske piste postavljen u dužini od dvadeset kilometara, plus još desetak kilometara kroz grad. Smatra se jednim od najdužih podzemnih elektroenergetskih vodova u kontinentalnoj Evropi.

Tokom cijelog perioda agresije uprava Elektroprivrede BiH, sa Edhemom Bičakčićem na čelu, radila je na planovima potpune obnove elektroenergetskog sistema i sa njom smo krenuli već početkom 1996. godine.

Danas možemo reći da je distributivna mreža podignuta na zavidan tehnički nivo, ali objektivno posla još ima. Gledamo li u budućnost, vrijedilo bi razmišljati i o tome da se u gradskoj zoni gradi elektrana na plin kao gradski izvor struje neovisan od dalekovoda u njegovoj okolini.

Irfan Durmić vjeruje da će način i uslovi rada na otklanjanju kvarova na elektroenergetskoj mreži biti istorijski obrađeni i izloženi kao posebna cjelina u budućem tehničkom muzeju u Sarajevu.

## 2,5 milijuna maraka za nabavu dva stroja za izradu jamskih prostorija

Utorak, 24 Travanj 2012 11:57 ; Piše: M. Šagolj



ZENICA – U “Staroj jami” Rudnika crnog ugljena (RMU) “Zenica” jučer je pušten u rad stroj za izradu jamskih prostorija koji je nabavljen sredstvima Javnog poduzeća Elektroprivreda BiH (EPBiH).

U nabavu dva stroja, kako je priopćeno iz ovog poduzeća, za izradu jamskih prostorija u jamama “Raspotočje” i “Stara jama” RMU “Zenica”, EPBiH je investirala 2,5 milijuna maraka.

### Mehanizirana izrada

Prilikom puštanja u rad stroja, nove investicije EPBiH u rudnik “Zenica”, bili su nazočni Elvedin Grabovica, generalni direktor EPBiH, članovi Uprave tog poduzeća i RMU “Zenica”. Kako je već najavljivano iz Elektroprivrede, ovaj stroj će omogućiti mehaniziranu izradu rudarskih jamskih prostorija, umjesto do sada korištene metode ručne izrade s miniranjem i ručnim utovarom ugljena. Očekivani učinak ulaganja su povećanje produktivnosti, kontinuitet izrade jamskih prostorija, te značajno unapređenje humanizacije rada u RMU “Zenica”.

Podsjetimo, ugovor o nabavci, montiranju, testiranju i puštanju u probni rad dvije mašine za izradu jamskih prostorija poprečnog profila od 8 do 14 četvornih metara, od kojih je prva krajem prošle godine puštena u rad u jami “Raspotočje”, potpisan je prošle godine, točnije 7. srpnja, s kompanijom REMAG S.A. sa sjedištem u Katowice u Poljskoj.

### Bolji uvjeti rada

Stroj se sastoji od jednog radnog organa u obliku poluge na čijem kraju se nalazi glava za rezanje koja se pomoću hidrauličnog sustava može pomjerati u svim pravcima, i to je jedan je od značajnih koraka unapređenja uvjeta rada u RMU “Zenica”, financiran iz sredstava za dokapitalizaciju rudnika ugljena koji posluju u sastavu Koncerna EPBiH. Odlukom o dokapitalizaciji JP Elektroprivreda BiH u RMU “Zenica” uložiti će ukupno 25,5 milijuna maraka, navodi se u priopćenju poduzeća.

Objavljeno: 28.05.2012 06:14 | Autor: Miralem AŠČIĆ

## Ko bi svjesno uništavao najvredniji državni resurs

### Elvedin Grabovica, generalni direktor "Elektroprivrede BiH": Nisam državni neprijatelj!



Apsolutna je neistina da gubici „Elektroprivrede BiH“ (EPBiH) u prvom tromjesečju iznose 37,5 miliona KM, rekao je u intervjuu za "Dnevni avaz" Elvedin Grabovica, generalni direktor najveće državne kompanije.

On smatra neutemeljenim istupe pojedinih članova Nadzornog odbora EPBiH, no priznaje da su prihodi „Elektroprivrede BiH“ manji od planiranih.

Međutim, kako je istakao, zbog uvjeta poslovanja, ne loše politike vođenja preduzeća.

- Istina je da je prihod manji za oko 30 miliona KM, ali isto tako istina je da su istovremeno i troškovi manji od planiranih. Nije riječ o gubitku. Naše poslovanje bilo je uvjetovano hidrološkim prilikama, smanjenim akumulacijama, a u februaru smo bili suočeni s elementarnom nepogodom. U takvim uvjetima poslovanja bilo nam je važno očuvati sistem da ne bi došlo do kolapsa u snabdijevanju električnom energijom - kaže Grabovica.

#### Javne kritike

***Kako, onda, komentirate optužbe pojedinih članova NO da je za prvi kvartal poslovna aktivnost preduzeća umanjena za 17 posto?***

- U prvom kvartalu ove godine proizvodnja električne energije bila je za 17 posto manja od planirane. Razlog su dotoci vode u akumulacije koji su upola manji od uobičajenih za ovo doba godine. Ne smijemo zaboraviti kako je izgledala akumulacija HE Jablanica prije samo dva mjeseca. No, mi imamo jednu apsurdnu situaciju. Umjesto da dobijemo pohvale za očuvanje integriteta sistema i cjelokupan rad u vanrednim okolnostima, mi od pojedinih članova NO dobivamo neargumentirane javne kritike i optužbe.

***Koliko su uopće tačne tvrdnje tih istih članova NO da je Uprava preduzeća nabavljala nekvalitetan ugalj te tako svjesno uništavala termoelektrane?***

- Pitao bih koliko su oni koji izriču takvu optužbu - da smo namjerno uništavali termoelektrane - svjesni težine izgovorenog. Je li nas to proglašavaju državnim neprijateljima bez premca? Ko bi svjesno uništavao najveće, najvrednije državne kapacitete za proizvodnju električne energije? Odgovorno tvrdim da smo ugalj nabavljali od istih dobavljača iz istih rudnika kao i u prethodnom periodu. Ugalj je nabavljan u BiH, nismo ga uvozili. Nabavljan je u skladu s propisanim procedurama i normativima kvaliteta.

# OSLOBODENJE

EKONOMIJA

28.05.2012. | PIŠE: FENA

## TE KAKANJ

### Sutra puštanje u rad Bloka 6

**Vrijednost investicije je 94,4 miliona KM, a riječ je o vlastitim sredstvima Elektroprivrede BiH i ujedno najvećoj investiciji u Federaciji BiH u 2011. godini**

U Termoelektrani Kakanj sutra će zvanično biti pušten u rad revitalizirani Blok 6 snage 110 MW.



Kakanj.

Vrijednost investicije je 94,4 miliona KM, a riječ je o vlastitim sredstvima Elektroprivrede BiH i ujedno najvećoj investiciji u Federaciji BiH u 2011. godini.

Puštanju u rad Bloka 6 prisustvovat će Nermin Nikšić, premijer FBiH, Erdal Trhulj, federalni ministar energije, rudarstva i industrije, Elvedin Grabovica, generalni direktor JP Elektroprivreda BiH (JPEPBih) i članovi Uprave Revitalizacija Bloka 6 Termoelektrane

Radni vijek Bloka 6, koji je prethodno bio u funkciji 35 godina, produžen je na ovaj način za dodatnih 15 godina, čime je poboljšana pogonska spremnost, povećan stepen korisnog djelovanja i smanjena emisija polutanata.

Ulazak u pogon Bloka 6 omogućit će JP Elektroprivreda BiH povećanje proizvodnje električne energije za dodatnih 600 miliona kWh električne energije godišnje, a rudnicima za ovu proizvodnju, na godišnjem nivou, isporuku više od 500 hiljada tona uglja, saopćeno je iz JP EPBiH.

U toku realizacije projekta povremeno ili tokom cijelog procesa rada bilo je angažirano oko 3.500 radnika, a indirektno više od 7.000 radnika na projektovanju, izradi opreme, transportu, špediterskim uslugama, carinskim i drugim administrativnim poslovima.

Uz inozemne kompanije, u realizaciji projekta učestvovala je 61 kompanija iz BiH.

Na svečanosti puštanja u rad revitaliziranog Bloka 6 Termoelektrane Kakanj bit će prezentirani poslovni rezultati koje je Uprava JP EPBiH ostvarila u proteklih godinu dana.

### **Neću biti rob**

***Zbog čega Vas javno optužuju za loše poslovanje? Kritike dolaze od pojedinaca iz stranke koja Vas je delegirala na poziciju.***

- "Elektroprivreda BiH" neće biti rob pojedinačnih interesa i određenih politikanstava i sredstvo za razračunavanja pojedinaca. Mnogi će uzroke ovakvih zbivanja tražiti u političkim interesima, ali ja ne bih rekao da je riječ o tome. Pretpostavljam da su u pitanju lični ili neki drugi interesi. U prilog tome ide činjenica da jedan od članova NO, imenovan ispred SDP-a BiH, glasa za imenovanje direktora koje predlaže SDA, a ne za one koje mu predloži njegova stranka.

### **Lični animoziteti izašli su u prvi plan**

- Ja nemam problema s članovima NO, ali postoji određeni lični i politički animozitet na relaciji pojedini članovi Uprave i pojedinih članova NO. Evidentno je da se u prvi plan stavljaju ti animoziteti. To je igra koju neću dozvoliti. Olako istupanje s najavama ostavki nazvao bih populističkim i politikantskim. Isti oni koji ih spominju svjesno zaboravljaju činjenicu da su bili članovi NO i u prethodnom sazivu od kojeg smo mi, preuzimanjem dužnosti u Upravi početkom 2011. godine, naslijedili gubitak od 16,3 miliona KM. Tada ti isti nisu nudili ostavke i istupali u javnosti.



# NEZAVISNE novine

## Privreda

### U TE Kakanj puštanje u rad bloka 6



Fena - 29.05.2012 08:48

SARAJEVO - U Termoelektrani „Kakanj“ danas će zvanično biti pušten u rad revitalizirani Blok 6 snage 110 MW.

Vrijednost investicije je 94,4 miliona KM, a riječ je o vlastitim sredstvima Elektroprivrede BiH i ujedno najvećoj investiciji u Federaciji BiH u 2011. godini.

Puštanju u rad Bloka 6 prisustvovat će Nermin Nikšić, premijer FBiH, Erdal Trhulj, federalni ministar energije, rudarstva i industrije, Elvedin Grabovica, generalni direktor JP Elektroprivreda BiH (JPEPBiH) i članovi Uprave Revitalizacija Bloka 6 Termoelektrane „Kakanj“.

Radni vijek Bloka 6, koji je prethodno bio u funkciji 35 godina, produžen je na ovaj način za dodatnih 15 godina, čime je poboljšana pogonska spremnost, povećan stepen korisnog djelovanja i smanjena emisija polutanata.

Ulazak u pogon Bloka 6 omogućit će JP Elektroprivreda BiH povećanje proizvodnje električne energije za dodatnih 600 miliona kWh električne energije godišnje, a rudnicima za ovu proizvodnju, na godišnjem nivou, isporuku više od 500 hiljada tona uglja, saopćeno je iz JP EPBiH.

U toku realizacije projekta povremeno ili tokom cijelog procesa rada bilo je angažirano oko 3.500 radnika, a indirektno više od 7.000 radnika na projektovanju, izradi opreme, transportu, špediterskim uslugama, carinskim i drugim administrativnim poslovima.

Uz inozemne kompanije, u realizaciji projekta učestvovala je 61 kompanija iz BiH.

Na svečanosti puštanja u rad revitaliziranog Bloka 6 Termoelektrane “Kakanj” bit će prezentirani poslovni rezultati koje je Uprava JP EPBiH ostvarila u proteklih godinu dana.

## Za godinu dana u rudnike investirali 60 milijuna maraka

Utorak, 15 Svibanj 2012 10:50 ; Piše: Mensur Osmović



SARAJEVO - Brojke sve govore – do svibnja prošle godine Elektroprivreda BiH je iz programa dokapitalizacije u sedam rudnika mrkog ugljena u Federaciji BiH uložila 12 milijuna maraka, a samo u posljednjih godinu dana investirano je čak 60 milijuna maraka. Osim toga, aktivirani su i projekti u procesu nabave vrijedni čak 70 milijuna maraka.

### Zaštita rudara

Radi se o potpuno novoj strategiji koju je sa svojim timom izradio Elvedin Grabovica, a koji je dužnost generalnog direktora Elektroprivrede BiH preuzeo u svibnju prošle godine. U sastavu ovog koncerna je sedam rudnika mrkog ugljena koji imaju status društava s ograničenom odgovornošću. Usporedo sa saniranjem stanja u Elektroprivredi BiH, on je krenuo i u oporavak rudnika. Inače, Grabovica je zatekao gubitak koncerna težak više od 16 milijuna maraka, a prošlu godinu ipak je Elektroprivreda BiH završila s dobiti u visini od 6,5 milijuna maraka. Kakvom se sve “gimnastikom” morao poslužiti, ne želi pričati, tek kaže da “novo europsko vrijeme za Elektroprivredu BiH i sve iz sastava ovog koncerna tek dolazi”.

Prvo što je uradio bilo je izjednačavanje naknade za topli obrok za zaposlene u Elektroprivredi BiH i rudnicima, a potom je pokrenuo “rudarske investicije”. Sindikat rudara BiH, Sindikat rudara FBiH i Sindikat elektroenergetskih radnika BiH zajednički su priopćili kako su potpuno zadovoljni opsegom investicija. One bi sasvim sigurno bile i puno veće da nije ogromnog “kamena” koji se ne može preskočiti, a zove se Zakon o javnim nabavama BiH. Zbog njega je jednostavno usporena realizacija ambicioznog programa dokapitalizacije i od državnih institucija rudari su službeno zatražili da interveniraju tako što će Zakon o javnim nabavama olabaviti i osloboditi ga birokratskih i administrativnih lanaca.

Tijekom prošlotjednog boravka u jami rudnika mrkog ugljena u Zenici Grabovica je najavio da će prednost dati ulaganju u nabavu opreme za osobnu i kolektivnu zaštitu rudara u svih sedam rudnika, ali i da se od menadžmenta svih rudnika traži racionalnije poslovanje i da ne dolazi u obzir da se nekomе progleda kroz prste.

### **Korak k ujedinjenju**

Sve što je uprava Elektroprivrede BiH do sada uradila oporavilo je rudnike i rudarima osiguralo lakši život. U svibnju prošle godine ukupni gubici rudnika iznosili su ogromnih 60 milijuna maraka, a do ovog svibnja smanjeni su za 20 milijuna! Direktor Grabovica kaže da je i preostalih 40 milijuna maraka gubitaka ogromno i da je sa svojim timom našao prostor i formulu kako bi ih do kraja godine dobro skresao i, zapravo, dotukao. Kako doznajemo, krajem ovog, najkasnije prvih dana sljedećeg mjeseca, ponovno će za isti stol sjesti uprave sarajevske Elektroprivrede BiH i mostarske Elektroprivrede HZ HB. Oni su u ožujku, prvi put otkako postoje te dvije kompanije, razgovarali i formirali zajedničke timove za trgovinu strujom, distribuciju električne energije i zajednički nastup pred regulatornim agencijama. To se u političkim i ekonomskim krugovima već ocjenjuje kao prvi korak k ujedinjenju tih dviju kompanija.

## Trhulj: BiH je zanimljivo tržište za nove investicije

Petak, 18 Svibanj 2012 12:08 ;Piše:M. Beker



SARAJEVO – Bosna i Hercegovina je u 2010. proizvela deset tona vati električne energije i jedini je neto izvoznik u regiji, što govori o potencijalu koji naša zemlja posjeduje. BiH je ujedno i najjeftiniji izvoznik električne energije.

Posjedujemo velike zalihe ugljena, ruda, minerala, bogatih metala koji su deficitni u Europi i zbog toga je BiH zanimljivo tržište za nove investicije, kazao je jučer u uvodnom izlaganju na drugom danu Sarajevo Business Forum 2012. (SBF) federalni ministar energije, rudarstva i industrije Erdal Trhulj prezentirajući projekte u koje je moguće investirati.

Osim postojećih rudnika mrkog ugljena kojima je potrebna obnova, planirana je eksploatacija na području Livna i Bugojna, a predstavljen je i projekt Bakovići kao najznačajniji depozit zlata u BiH. Kako je kazao ministar Trhulj, u 2012. Bakovići će biti spremni za koncesije i javne tendere, a planirano je i istraživanje osam novih lokacija za koje je utvrđeno da su izvorišta nafte.

### Potencijalne bušotine nafte

Kompanija Shell vrši istraživanja na deset lokacija i konkretni rezultati očekuju se do kraja ove godine.

- Prirodni resursi u BiH su iskorišteni svega 13 posto. Naš plan je povećati na 45 posto njihovu iskorištenost. Planirana je proizvodnja 40 milijuna barela nafte dnevno kako bi se zadovoljile potrebe za naftom i naftnim prerađevinama, što bi značilo da će BiH parirati zemljama Saudijske Arabije i Sjevernog mora, kazao je Michael Foley, zamjenik direktora kompanije Shell Exploration.

Igor Gavran, makroekonomski analitičar pri Vanjskotrgovinskoj komori BiH, ukazao je na problem općine Tešanj koja nema pristup kogeneracijskoj mreži te ponudio potencijalnim investitorima projekt izgradnje mreže grijanja na tom području.

- Kao obnovljivi izvor energije imamo mogućnost izgradnje vjetroparka na području Pakline-Ljubuša-Kupres, gdje bi se uz pomoć vjetra proizvodilo 400 - 450 MW električne energije. Također, BiH godišnje proizvode 35 tisuća tona briketa po europskim standardima, što je također prilika za nova ulaganja, naglasio je Gavran.

### Ispred Hrvatske

- Iako Hrvatska koristi iste rijeke ako i BiH i imamo iste klimatske uvjete, Hrvatska je na drugom

mjestu po uvozu električne energije. To nam pokazuje kako je BiH odlično iskoristila svoje potencijale, te da treba dalje raditi i ulagati u distribuciju i prijenos električne energije, kazao je Alen Levećić, pomoćnik ministra energije, industrije i rudarstva RH.

Direktor JP Autoceste FBiH Ensad Karić predstavio je plan daljnje izgradnje autoceste koridor Vc i iskazao potrebu za povoljnim kreditnim linijama. U sljedeće dvije godine planirana je izgradnja dijela autoceste Tarčin - Mostar, Zenica – Doboj, Tuzla - Žepče i Lašva - Donji Vakuf. Vrijednost projekta je 328 milijuna eura, a očekivani povrat je 13,19 posto.

- Ove dionice su vrlo frekventne, te bi očekivana naplata putarine bila 130 milijuna eura godišnje. Također, imamo i prihod od 0,05 eura po litri goriva koji se ulaže u izgradnju i održavanje autoceste, podvukao je Karić.

### **Obrazovanje ključ razvoja ekonomije**

Kao glavni problem u BiH istaknuta je stopa nezaposlenosti mladih ljudi te neusklađenost ponude i potražnje tržišta. Prema podacima iz 2010., ta stopa je iznosila 57,5 posto.

- Zemlje Balkana nisu na istoj tehnološkoj i ekonomskoj razini razvoja kao ostale zemlje Europe, te je potrebno investiranje u edukaciju, znanost i istraživanje koje predstavlja ključ za razvoj ekonomije, ali i stabilnosti i mira, istaknuo je federalni ministar obrazovanja i znanosti Damir Mašić. Dodao je kako multietnička atmosfera u BiH zahtjeva transformiranje obrazovnog sustava kako bi privukao investitore i postao konkurentan u oblasti obrazovanja. Primjer su brojne strane obrazovne ustanove koje rade na području BiH, a nastava u njima se odvija na svjetskim jezicima.

- Možemo ponuditi kvalitetno obrazovanje koje je za tri-četiri puta jeftinije nego u europskim zemljama. Imamo i diplome koje su svjetski priznate, ali i mlade generacije koje mogu iznijeti vaše projekte. Znanost i istraživanje su ključni za promjene i razvoj ekonomije u cijelom svijetu, objasnio je Ejub Ganić, rektor na Sarajevo School of Science and Technology, prvom međunarodnom sveučilištu u BiH.

### **Bh. tvrtke osvajaju tržište Azerbajdžana**

Konzorcij Feniks, kojem su prekjučer pristupile i četiri bh. Tvrtke, održao je sastanak s predsjedateljem predsjedništva BiH Bakirom Izetbegovićem na kojem je dogovorena posjet Azerbajdžanu gdje će biti realizirani određeni infrastrukturni projekti.

- Cilj nam je da skupa s bh. tvrtkama realiziramo projekt u vrijednosti oko pola milijarde eura. Fokusno tržište su nam Kazahstan i Rusija, te Katar, Oman i Saudijska Arabija. U skorijoj budućnosti razvit ćemo i strategiju za zemlje Afrike, kazao je Iztok Seljak, predstavnik Feniksa.

### **EPBiH predstavila devet projekata**

Drugog dana održavanja SBF-a, potencijalnim investitorima je jučer u sarajevskom hotelu Holiday Inn, u okviru panela posvećenog energiji, prirodnim resursima i mogućnostima za ulaganje, Amil Kamenica, izvršni direktor za kapitalne investicije u JP Elektroprivrede BiH (EPBiH), predstavio potencijalnim investitorima kapitalne projekte koje EPBiH planira graditi u sljedećem razdoblju. Generalni direktor EPBiH Elvedin Grabovica istaknuo je kako su predani novim projektima, a posebno iz oblasti obnovljivih izvora energije, stoga EPBiH traži nove partnere za buduće projekte čija vrijednost prelazi 1,8 milijardi eura. Među predstavljenim projektima su: Blok 7 u TE Tuzla (vrijedan 842 milijuna eura), Blok 8 u TE Kakanj (626 milijuna eura), HE Vranduk (65 milijuna eura), HE Ustikolina (123 milijuna eura), HE Kovanići (30 milijuna eura), VE Podveležje (64 milijuna eura), VE Vlašić (64 milijuna eura). Osim toga, predstavljeni su i projekti malih HE na rijeci Neretvici, koji su vrijedni 49,6 milijuna eura te Tvornica cementa Đurđevik, RMU Đurđevik, čija je vrijednost 144 milijuna eura.

## U TE Kakanj pušten u rad revitalizirani Blok 6

Srijeda, 30 Svibanj 2012 12:42 ; Piše: M. Šagolj



KAKANJ – U Termoelektrani “Kakanj” jučer je pred velikim brojem uzvanica službeno u rad pušten revitalizirani Blok 6, čija je snaga 110 MW, a u koju je JP Elektroprivreda BiH (EP BiH) uložila 94,4 milijuna maraka, što je ujedno i najveća investicija u Federaciji BiH (FBiH) u 2011. godini.

Kako je jučer istaknuo Elvedin Grabovica, direktor EP BiH, ovo je samo polovica investicija u ovom poduzeću jer su u druge projekte uložili više od 93 milijuna maraka.

On kaže kako investicijskim ulaganjima u dokapitalizaciji rudnika (čiji je iznos 204 milijuna maraka) žele da do 2014. svi rudnici, koji su u sastavu koncerna, pozitivno posluju.

### Prešlo se na djela

Na jučerašnjoj svečanosti sudjelovao je velik broj uzvanica, a čast otvaranja spomenutog bloka imao je premijer FBiH Nermin Nikšić koji je tom prilikom izjavio kako se s ovim prekida dosadašnje pričanje o investicijama bez realizacija. Prema njegovim riječima, ovo je najbolji dokaz kako se “prešlo na djela” te dodao da koncept EP BiH mora biti jedan od motora razvoja društva.

Na svečanosti je bio nazočan i Erdal Trhulj, federalni ministar energetike, industrije i rudarstva koji kaže da je zadovoljan što su u ovoj investiciji sudjelovale brojne kompanije iz BiH. Inače, pored stranih kompanija, u realizaciji projekta sudjelovala je čak 61 kompanija iz naše zemlje.

Radni vijek Bloka 6, koji je prethodno bio u funkciji 35 godina, revitalizacijom je produžen za dodatnih 15 do 20 godina. Tako je poboljšana pogonska spremnost te povećan stupanj korisnog djelovanja i smanjena emisija polutanata. Ulazak u pogon Bloka 6 omogućit će EP BiH povećanje proizvodnje električne energije za dodatnih 600 milijuna kWh električne energije godišnje, a rudnicima za ovu proizvodnju na godišnjoj razini isporuku više od 500 tisuća tona ugljena. I, kako je spomenuo jučer Hasan Čaušević, direktor Termoelektrane u Kakanju, primijenile su se najmodernije tehnologije, postignuta je značajna energetska učinkovitost.

### Mnoštvo radnika

Kako je ranije kazano iz EP BiH, na demontaži i montaži opreme te puštanju u rad, povremeno ili tijekom cijelog procesa, bilo je angažirano oko tri i pol tisuće radnika, a na projektiranju, transportu, izradi opreme i slično više od sedam tisuća radnika.

## Privreda

### Struja u BiH među jeftinijima u Evropi



*Predrag Klincov - 14.06.2012 18:41*

BANJALUKA - Cijena struje za domaćinstva i industrijske potrošače u BiH je među najnižima u Evropi, što umanjuje finansijsku snagu domaćih elektroprivreda i uveliko ih onemogućava da samostalno grade nove elektrane.

Iako su mnogi mediji, pozivajući se na podatke Kancelarije za statistiku EU - Eurostat, prenijeli da je cijena struje u BiH na evropskom dnu, to ipak nije tačno. Prema podacima Regulatorne agencije za energetiku RS, jeftiniju struju od nas plaćaju građani i privreda Srbije i Makedonije, koji, uz Crnu Goru, nisu bili obuhvaćeni izvještajem Eurostata.

"Elektroprivreda BiH" je saopštila da je njihova prosječna cijena električne energije za domaćinstva u drugom polugodištu prošle godine iznosila 13,81 fening po kilovat-času bez poreza, odnosno 16,16 feninga sa porezom, dok su u RS još niže i iznose ispod 13 feninga.

Prosječna cijena struje u 27 zemalja EU u istom periodu iznosila je 35,93 feninga po kilovat-času. Najskuplju električnu energiju plaćaju domaćinstva u Danskoj, 58,2 feninga po kilovat-času, potom Njemačke, 49,5 feninga, Kipra 47,2 feninga, Belgije 41,4 feninga po kilovat-času.

Sa druge strane, najniže cijene struje u EU su u Bugarskoj 17,1 fening po kilovat-času, Estoniji 20,4 i Rumuniji 21,2 feninga.

Stručnjaci u oblasti elektroenergetike ocjenjuju da su u BiH na snazi regulisane "socijalne" cijene struje koje se održavaju zbog niskog standarda stanovništva, dok bi za razvojne potrebe bilo neophodno propisati tržišne cijene električne energije.

Svjetska banka u ovogodišnjem izvještaju navodi da je postojeći i očekivani nivo cijena struje u BiH u narednom trogodišnjem periodu neadekvatan za pokrivanje budućih investicionih potreba elektroprivreda, upozoravajući čak da se time dovodi u rizik finansijska i poslovna održivost sektora.

Tri elektroprivrede za pokrivanja vlastitih potreba i održavanja nivoa izvoza u sektor proizvodnje struje, proizvodnje uglja i distribuciju planiraju do 2015. investirati 6,1 milijardu KM. Predviđeno zaduživanje i nivo tarifa struje pokazuje da bi se narednih godina oslabila finansijska pozicija elektroprivreda.

"Nijedna od tri elektroprivrede neće moći pokriti troškove svog sveukupnog investicionog programa. Takođe će se suočiti s poteškoćama u servisiranju obaveza po ranijem dugu i budućim projektima sa stranim finansiranjem", ističu u Svjetskoj banci. Procjenjuju tako da bi tri elektroprivrede uz očekivane tarife za tri godine mogle zapasti u zbirni gubitak od čak 1,27 milijardi KM.

Dragovan Petrović, sekretar Pokreta potrošača RS, oštro se protivi eventualnim inicijativama za povećanje cijene struje za domaćinstva, ističući da bi naši građani, upravo zbog ogromnih resursa u toj oblasti i slabe kupovne moći, trebalo da imaju i niske cijene.

"Primjera radi, Saudijska Arabija snabdijeva četvrtinu svjetskog tržišta naftom i upravo zbog tih ogromnih naftnih ležišta njeni stanovnici budzašto kupuju gorivo na pumpama. Ako smo mi bogati resursima za proizvodnju električne energije i imamo značajan izvoz, bilo bi logično i da budemo na neki način privilegovani", kazao je Petrović.

On ističe da se pri određivanju cijena struje i u predstojećem periodu mora voditi računa o niskom standardu stanovništva, koji je, takođe, na evropskom začelju.

Berzanski stručnjaci, pak, ukazuju da sa sadašnjim tarifama nema adekvatnog razvoja elektroenergetskog sektora i privlačenja investitora, dok se, sa druge strane, smatraju, "socijalnim" cijenama najmanje pomažu najugroženije kategorije stanovništva.

"Sada istu cijenu struje plaćaju i bogati i siromašni, jer su subvencije obustavljene. Mislim da bi bolje rješenje bilo povećanje cijene struje koje bi dovelo do većeg profita elektroprivreda, koje bi onda iz dijela dobiti kreirale fond za pomoć ugroženim kategorijama stanovništva", kazao je Branko Kecman, direktor banjalučkog društva "Advantis broker".



Objavljeno: 15.06.2012 12:15 | Autor: Redakcija

"Elektroprivreda BiH" ne namjerava istupati prema FERK-u sa zahtjevom za povećanje cijene, izuzev ako ne dođe do promjena elemenata koji značajno utječu na troškove, kazao je Grabovica

### **Elvedin Grabovica, generalni direktor "Elektroprivrede BiH": Od situacije u Grčkoj i EU zavisit će cijena struje**



Ukoliko dobijemo urbanističku saglasnost, izvjestan je početak gradnje hidroelektrane "Vranduk", čija je vrijednost 65 miliona eura. Slijedi i gradnja vjetroparka "Podveležje", a vrijednost investicije je 64 miliona eura. Planom poslovanja od 2012. do 2014. planirali smo početak gradnje 11, odnosno minimalno šest novih proizvodnih objekata.

To je generalni direktor "Elektroprivrede BiH" Elvedin Grabovica rekao u intervjuu za agenciju Onasa, u kojem, između ostalog, govori o poslovanju ovog preduzeća u prva četiri mjeseca ove godine te o očekivanim rezultatima i trenutnom stanju u proizvodnji električne energije.

- Ostvarena dobit u prva četiri mjeseca ove godine iznosi skoro četiri miliona KM. Realizirana je i pored izuzetno teških okolnosti za proizvodnju, uzrokovanih elementarnom nepogodom u februaru i lošim stanjem u akumulacijama - kaže Grabovica, koji je podvukao da je aktuelna Uprava preuzela mandat u maju prošle godine, "preuzevši" time i 16,3 miliona KM gubitaka.

Grabovica je podvukao da su, zbog nedavnih vremenskih nepogoda, prihodi manji za skoro 30 miliona KM od planiranih, ali da su, istovremeno, i troškovi bili manji od planiranih.

- Stoga nikako ne stoje i nisu tačne tvrdnje o gubitku desetina miliona KM i kvalifikacije o negativnom poslovanju. Da nije riječ o gubitku, govori podatak o dobiti u prva četiri mjeseca - dodao je Grabovica.

Generalni direktor "Elektroprivrede BiH" rekao je da se situacija stabilizira te da je stanje u akumulacijama povoljno.

- Cijena električne energije na tržištu zavisi isključivo od ponude i potražnje. Električna energija najskuplja je kada je nema. Njene cijene u regionu u narednom periodu će posebno zavisiti od razvoja situacije u Grčkoj, ali i u Evropskoj uniji (EU). U Federaciji BiH, cijene električne energije za tarifne kupce u nadležnosti su FERK-a. "Elektroprivreda BiH" ne namjerava istupati prema FERK-u sa zahtjevom za njihovo povećanje, izuzev ako ne dođe do promjena elemenata koji značajno utječu na troškove. Elementi o kojima govorim su prvenstveno cijena uglja, naknade i doprinosi na nivou općina, kantona i FBiH - kazao je Grabovica.

### **Najjeftiniji u Evropi**

- Prema izvještaju Eurostata o cijenama električne energije, cijene za kupce u BiH najniže su u Evropi. Izvještajem su obuhvaćene 32 zemlje - kazao je Grabovica.

# NEZAVISNE novine

## Privreda

### Elektroprivreda BiH lani ostvarila prihod od 958,5 miliona KM, dobit 1,48 miliona KM



Fena - 26.06.2012 15:14

SARAJEVO- Predstavnici dioničara usvojili su danas Skupštini Javnog preduzeća Elektroprivreda BiH (EPBiH), Izvještaj o poslovanju JP EPBiH za 2011. s finansijskim izvještajem, izvještajima vanjskog revizora te izvještaje o radu Nadzornog odbora i Odbora za reviziju.

Iz Službe za komunikacije JP EPBiH navode da je u 2011. godini JP Elektroprivreda BiH ostvarila ukupan prihod u iznosu 958,5 miliona KM.

Iskazana dobit kompanije u protekloj godini je 1.483.566,13 KM. U protekloj godini JP EPBiH je, i pored izuzetno nepovoljnih hidroloških uvjeta, maksimalnim angažovanjem termokapaciteta ostvarila rekordnu proizvodnju električne energije od 7.294,5 GWh, što je za 4,6 GWh ili za 0,1 procenta više od planirane proizvodnje, a za 113,1 GWh ili za 1,6 procenata više od ostvarene proizvodnje u 2010. godini.

Troškovi materijala za proizvodnju električne energije s prijevozom uglja iznosili su 419,2 miliona KM i čine 44 posto ukupnih troškova i rashoda. Uz rast proizvodnje u 2011. godini ostvaren je rast prodaje električne energije direktnim kupcima te snižavanje prijenosnih i distributivnih gubitaka.

"Svi kupci JP Elektroprivreda BiH uredno su bili snabdjeveni električnom energijom. Na poslovni rezultat JP EPBiH, izuzev loše hidrološke situacije utjecalo je i povećanje izdvajanja za naknade (naknada za zagađenje zraka u iznosu 3,3 miliona KM), te negativne kursne razlike (iznos 2,4 miliona KM).

Poslovanje JP Elektroprivreda BiH odvijalo se pod utjecajem globalnih negativnih privrednih okolnosti i tržišne recesije koja je uzrokovala smanjenje potrošnje i potražnje za električnom energijom u BiH i regionu", navodi se.

U saopćenju navode aktivnosti koje je Uprava JP EPBiH u 2011. godini poduzela radi poboljšanja poslovanja kao što je program štednje, investiciona ulaganja u rudnike u okviru procesa dokapitalizacije, ugovori o bonifikaciji uglja, te maksimalno korištenje raspoloživih proizvodnih resursa.

Na Skupštini je usvojena Odluka o raspodjeli dobiti.

"Dioničarima će biti isplaćena dividenda u iznosu 668.303,25 KM dok će u kapital za investicije biti raspoređeno 518.549,66 KM i Fondu za rezerve 296.713,22 KM", navode iz Službe za komunikacije JP EPBiH.

# OSLOBODENJE

EKONOMIJA

26.06.2012. | PIŠE: FENA

## PREDSTAVNICI DIONIČARA USVOJILI IZVJEŠTAJ O POSLOVANJU

### Prihod Elektroprivrede BiH prošle godine 958,5 miliona KM, dobit 1,5 miliona

**Uz rast proizvodnje u 2011. godini ostvaren je rast prodaje električne energije direktnim kupcima te snižavanje prijenosnih i distributivnih gubitaka**



Foto: D. TORCHE  
Sa današnje Skupštine

Predstavnici dioničara usvojili su danas na Skupštini Javnog preduzeća Elektroprivreda BiH (EPBiH) Izvještaj o poslovanju JP EPBiH za 2011. s finansijskim izvještajem, izvještajima vanjskog revizora te izvještaje o radu Nadzornog odbora i Odbora za reviziju.

Iz Službe za komunikacije JP EPBiH navode da je u 2011. godini JP Elektroprivreda BiH ostvarila ukupan prihod u iznosu 958,5 miliona KM.

Iskazana dobit kompanije u protekloj godini je 1.483.566,13 KM. U protekloj godini JP EPBiH je, i pored izuzetno nepovoljnih hidroloških uvjeta, maksimalnim angažovanjem termokapaciteta ostvarila rekordnu proizvodnju električne energije od 7.294,5 GWh, što je za 4,6 GWh ili za 0,1 procenta više od planirane proizvodnje, a za 113,1 GWh ili za 1,6 procenata više od ostvarene proizvodnje u 2010. godini.

Troškovi materijala za proizvodnju električne energije s prijevozom uglja iznosili su 419,2 miliona KM i čine 44 posto ukupnih troškova i rashoda. Uz rast proizvodnje u 2011. godini ostvaren je rast prodaje električne energije direktnim kupcima te snižavanje prijenosnih i distributivnih gubitaka.

"Svi kupci JP Elektroprivreda BiH uredno su bili snabdjeveni električnom energijom. Na poslovni rezultat JP EPBiH, izuzev loše hidrološke situacije utjecalo je i povećanje izdvajanja za naknade (naknada za zagađenje zraka u iznosu 3,3 miliona KM), te negativne kursne razlike (iznos 2,4 miliona KM).

Poslovanje JP Elektroprivreda BiH odvijalo se pod utjecajem globalnih negativnih privrednih okolnosti i tržišne recesije koja je uzrokovala smanjenje potrošnje i potražnje za električnom energijom u BiH i regionu", navodi se.

U saopćenju navode aktivnosti koje je Uprava JP EPBiH u 2011. godini poduzela radi poboljšanja poslovanja kao što je program štednje, investiciona ulaganja u rudnike u okviru procesa dokapitalizacije, ugovori o bonifikaciji uglja, te maksimalno korištenje raspoloživih proizvodnih resursa.

Na Skupštini je usvojena Odluka o raspodjeli dobiti.

"Dioničarima će biti isplaćena dividenda u iznosu 668.303,25 KM dok će u kapital za investicije biti raspoređeno 518.549,66 KM i Fondu za rezerve 296.713,22 KM", navode iz Službe za komunikacije JP EPBiH.

# OSLOBODENJE

KONOMIJA

04.07.2012. | PIŠE: Darko OMERAGIĆ

## MANIFESTACIJA "100 NAJVEĆIH U PRIVREDI BIH"

### Nagrađene najuspješnije bh. kompanije

**Poslovne novine objavile su i rang-liste najvećih velikih, srednjih i malih preduzeća i to prema jasno definisanim kriterijima: ukupni prihod, izvoz, neto dobit i investicije u 2011. godini**



Foto: D. ĆUMUROVIĆ  
Sa dodjele priznanja

Na temelju ankete "100 najvećih u privredi Bosne i Hercegovine" Poslovne novine, odnosno izdanje Privredne štampe Sarajevo, danas su u Sarajevu dodijelile priznanja najuspješnijim bh. kompanijama u BiH.

Pored tradicionalne liste 100 najvećih u privredi BiH, Poslovne novine su objavile i rang-liste najvećih velikih, srednjih i malih preduzeća i to prema jasno definisanim kriterijima: ukupni prihod, izvoz, neto dobit i investicije u 2011. godini. Priznanja su dodijeljena i kompanijama koje su prošle godine izdvojile najviše za zaštitu okoliša i energetska efikasnost i humanitarne projekte. Pored toga, u Poslovnim novinama objavljeno je i koliko su kompanije u 2011. uplatile za PIO te direktne i indirektno poreze.

#### Najveći prihod

Po ukupnom prihodu u prošloj godini na prva tri mjesta su JP Elektroprivreda BiH (956.978.442 KM), ASA Prevent Group Sarajevo (841.383.675 KM) i Arcelor Mittal (667.741.000 KM). U ostvarenom izvozu u prošloj godini prvo mjesto pripalo je ASA Prevent Group Sarajevo (528.158.111 KM), a iza ove kompanije su Aluminij d.d. Mostar (465.228.787 KM) i Arcelor Mittal Zenica (367.728.000 KM).

Najveću neto dobit prošle godine ostvario je BH Telecom (134.330.320 KM), slijede Telekomunikacije RS-a (107.415.885 KM) i UniCredit Bank Mostar (49.984.000 KM).

U prošloj godini su najveći investitori u BiH bili JP Elektroprivreda BiH (218.468.273 KM), BH Telecom (123.663.411 KM) i Željeznice FBiH (123.605.232 KM).

U zaštitu okoliša i energetska efikasnost, te humanitarne projekte lokalne zajednice najviše je uložila

Elektroprivreda BiH (145.851.768 KM), odnosno (3.077.458 KM).

Prvo mjesto na rang-listi srednjih preduzeća je pripalo Mercatoru BH (173.322.244 KM), Bosnalijeku (108.599.353 KM) i Sarajevskom kiseljaku (81.911.000 KM). U kategoriji srednjih preduzeća po izvozu redoslijed je sljedeći: Bosnalijek (56.252.374 KM), Herceg d.o.o. Srebrenik (17.088.593 KM) i Metalno Zenica (15.639.665 KM). U ostvarenoj neto dobiti prvo mjesto je pripalo Sarajevskom kiseljaku (8.883.072 KM), a slijede Bosnalijek (5.938.129 KM) i Mercator BH (3.371.141 KM). Među srednjim preduzećima po investicijama prva tri mjesta pripadaju Bosnalijeku (13.848.000 KM), UNIS-Energetici (3.638.469 KM) i firmi Krajina klas Banja Luka (3.552.653 KM). Na rang-listi srednjih firmi u kategoriji srednjih preduzeća za zaštitu okoliša i energetske efikasnosti i u humanitarne projekte 2011. najviše je uložio Bosnalijek (1.384.655 KM), odnosno (566.248 KM).

### **Višedecenijska tradicija**

Među malim preduzećima po ukupnom prihodu prva tri mjesta su pripala Viator & Vektor Sarajevo (4.048.724 KM), MHS (2.686.964 KM) i Regeneracija (2.641.587 KM). Po izvozu među malim preduzećima na prva tri mjesta su Semikem (1.933.889 KM), Matičanka (1.145.247 KM) i Adonis namještaj (1.107.931 KM), dok su po neto dobiti najbolji Regeneracija (537.521 KM), MHS (355.279 KM) i Semikem (229.273 KM).

Prva mjesta u istoj kategoriji po investicijama pripadaju Betarealu (1.289.452 KM), Life-Oilu (309.991 KM) i Adonis namještaju (247.713 KM).

Direktorica za novinsku djelatnost u Privrednoj štampi Sanja Bogdanović je rekla da ova izdavačka kuća 2012. obilježava 40. godišnjicu izdavanja časopisa i stručne literature iz oblasti biznisa, prava i finansija s tri redovna izdanja - ZIPS, Poslovne novine i Sudska praksa. Projekat "100 najvećih u privredi BiH" ove godine slavi 25. godišnjicu.

Objavljeno: 09.07.2012 11:40 | Autor: F. KARALIĆ

Da sam potpisao ugovor s "Alpiqom", EPBiH bi bila u gubitku od oko 120 miliona eura, kaže Grabovica

## Državna firma traži partnera za ulaganje u Termoelektranu Tuzla: EPBiH raspisuje tender za posao od 750 miliona eura



Javno preduzeće „Elektroprivreda BiH“ (EPBiH) u narednih 10-tak dana raspisat će javni poziv za odabir projektnog partnera za zajedničko ulaganje u Blok 7 Termoelektrane Tuzla vrijedan oko 750 miliona eura, saznaje „Dnevni avaz“.

Tu informaciju potvrdio nam je i direktor EPBiH Elvedin Grabovica, koji očekuje da će se na javni poziv javiti više zainteresiranih investitora te dodaje da je kontakt već uspostavljen s dvadesetih svjetskih kompanija.

### Jasni kriteriji

- Kontakt s tim firmama uspostavili smo kako bismo istražili tržište i procijenili koje sve modele predlažu potencijalni partneri te šta je moguće navesti u javnom pozivu. Ne tražimo donacije nego partnere koji će sudjelovati u ovom projektu - kaže Grabovica.

Na bazi toga je, kaže, Vlada Federacije BiH stupila, između ostalog, i u kontakt s kompanijom IFC&IFM, koja je iskazala interes da učestvuje u javnom pozivu i s kojom je potpisan protokol o saradnji. Grabovica pojašnjava da protokol nema nikakvih obavezujućih elemenata, nego da se radi o običnoj razmjeni informacija. Iz prepiske s firmom IFC&IFM, koja je u posjedu „Dnevnog avaza“, vidljivo je da je Nadzorni odbor EPBiH jasno utvrdio kriterije pod kojima neka kompanija može učestvovati te da je s njima upoznata i ta firma. Grabovica tako demantira informacije koje su se pojavile u pojedinim medijima, a prema kojima je, navodno, već dogovoren posao s kompanijom IFC&IFM. U kriterijima NO EPBiH navedeno je da potencijalni partner u posljednje tri godine mora imati promet od minimalno 1,5 milijardi eura uz pozitivno poslovanje. Ponuđačima je, između ostalog, stavljeno do znanja da prirodni resursi ostaju u vlasništvu FBiH te da će biti formirano privredno društvo koje će voditi pripremu, izgradnju i eksploataciju objekta.

### Stara Uprava

Iz EPBiH pojašnjavaju da je kontakt s potencijalnim investitorima uspostavljen kako se ne bi dogodilo da se prijavi samo jedan investitor, kao što je to bio slučaj s prethodnom Upravom s direktorom Amerom Jerlagićem i resornim ministrom Vahidom Hećom na čelu. Za isti projekt prije nekoliko godina prijavila se samo jedna kompanija „Alpiq“, a dolaskom na čelo EPBiH Grabovica je odbio potpisati ugovor s ovom kompanijom. Uslijedili su žestoki medijski napadi na Upravu ove kompanije i Vladu FBiH. Direktor Grabovica pojašnjava da iza napada stoje oni koji su potpisivanjem ugovora s



"Alpiqom" imali namjeru oštetiti državu za stotine miliona maraka.

- Da sam potpisao ugovor s „Alpiqom“, bili bismo u gubitku od oko 120 miliona eura. Razlog je famozna formula, prema kojoj bi investitor uzimao viškove električne energije. Mene napadaju jer sam prodavao struju po cijeni od 57 eura po megavat satu, a oni bi viškove prodavali po manje od 40 eura - kaže Grabovica.

### **Prodaja viškova struje**

Ugovor s „Alpiqom“ koji su forsirali Jerlagić i Hećo predviđao je preuzimanje energije u tri faze, a prve dvije faze su prije ulaska u pogon novog bloka u TE Tuzla, odnosno od 2011. do kraja 2017. godine. U tom periodu „Alpiq“ je tražio da im EPBiH isporučuje iz postojećih elektrana minimalno 50 posto svojih godišnjih viškova, i to po cijeni koja će pokrivati samo varijabilne troškove, uglj, tečno gorivo... Nakon izgradnje "bloka 7" definirala bi se nova cijena koja bi bila vezana za novi blok. Time bi se EPBiH u periodu od sedam godina „odrekla“ 50 posto viška struje, a samim tim i dobiti.

**Član 4.**

Kriterijumi koji su sastavni dio pretkvalifikacionog tendera i mora ispunjavati projektni partner u slučaju formiranja zajedničkog privrednog društva (JV) su slijedeći :

1. Da je u zadnjih 5 godina profesionalno osposobljen da se bavi jednom ili više od navedenih djelatnosti:
  - proizvodnja el. energije,
  - prijenos el. energije,
  - distribucija,
  - trgovina ili snadbijevanje električnom energijom,
  - proizvodnja opreme za termo-energetske objekte na uglj,
  - izgradnja termo-energetskih objekata na uglj,
  - finansijskog investiranjaili  
Ako je kandidat konzorcij, lider konzorcija mora biti kompanija koja se u zadnjih 5 godina bavi sa jednom ili više navedenih djelatnosti.
2. Da je ostvario prihod iz tražene djelatnosti u posljednje 3 godine minimalno 1.5 milijardi € godišnje.  
ili  
Ako je kandidat konzorcij, lider konzorcija mora ostvariti prihod iz tražene djelatnosti u posljednje 3 godine minimalno 0.8 milijardi € godišnje;
3. Da je ostvario pozitivan kumulativan rezultat poslovanja u posljednje tri godine.
4. Da ima u vlasništvu/suvlasništvu jedan ili više nekretnosti...

**Faksimil spiska kriterija NO EPBiH koji pobija dezinformacije koje objavljuju pojedini mediji**

# OSLOBODENJE

EKONOMIJA

16.07.2012. | PIŠE: FENA

## DANAS U MOSTARU POTPISAN ANEKS UGOVORA O KONCESIJI

### Vrijednost investicije u Vjetropark Podveležje 125 miliona KM

Po riječima ministra gospodarstva HNŽ-a Amera Zagorčića, potpisivanjem ovog aneksa ugovora Vlada HNŽ-a i resorno ministarstvo pokazali su opredijeljenost da podrže projekte velikih investicija koji mogu da povedu gospodarstvo te županije naprijed



Generalni direktor JP Elektroprivreda BiH d.d. Sarajevo dr. Elvedin Grabovica i ministar gospodarstva Hercegovačko-neretvanske županije Amer Zagorčić potpisali su danas u Mostaru Aneks ugovora o koncesiji za Vjetropark Podveležje.

Ukupna vrijednost investicije iznosi 125 milijuna maraka, a vjetropark

sadrži 16 agregata. Aneks Ugovora o koncesiji podrazumijeva inovirani Terminski plan realizacije projekta s ciljem smanjivanja mogućnosti rizika i otklanjanja eventualnih barijera za realizaciju Vjetroparka Podveležje.

Po riječima ministra gospodarstva HNŽ-a Amera Zagorčića, potpisivanjem ovog aneksa ugovora Vlada HNŽ-a i resorno ministarstvo pokazali su opredijeljenost da podrže projekte velikih investicija koji mogu da povedu gospodarstvo te županije naprijed. Potpisivanjem Ugovora dati su dodatni rokovi JP Elektroprivredi BiH da završi Vjetropark u Podveležju. Ovo je projekt od velikog značaja za lokalnu zajednicu, ali i za cijelu Županiju s obzirom na to da će izgradnjom vjetroparka poboljšati i infrastruktura u lokalnoj zajednici, kazao je Zagorčić, dodavši kako je ugovorom predviđeno da se do nove godine završe dva vjetroagregata, a ostali do 2014. godine.

Generalni direktor JP Elektroprivreda BiH d.d. Sarajevo Elevedin Grabovica kazao je kako će se natječaj za izvođenje radova raspisati već krajem idućeg mjeseca te ponovio kako do kraja godine očekuje završetak izgradnje dvaju vjetroagregata.

Što se tiče izgradnje drugih vjetroelektrana na području HNŽ-a, Grabovica je kazao kako je ovo jedini projekt iz obnovljivih izvora energije koji Elektroprivreda BiH ima spremnog, s tim da ima spreman projekt iz termoenergije u Tuzli koji će uskoro biti prezentiran javnosti.

JP Elektroprivreda BiH dobila je koncesiju na 30 godina s mogućnošću produženja, a sastavni dio Ugovora su terminski plan realizacije projekta i studija o ekonomskoj opravdanosti.

Objavljeno: 19.07.2012 11:12 | Autor: A. Č. Z.

Cijena električne energije koju je EPBiH trebala prodavati "Alpiqu" iznosila bi svega 38,4 eura po megavat satu, ističe Grabovica

## **"Elektroprivreda BiH" raspisuje javni poziv: Bivša Uprava i "Alpiq" oštetili bi EPBiH za 120 miliona maraka**



Javno preduzeće "Elektroprivreda BiH" (EPBiH) sljedeće sedmice raspisat će javni poziv za odabir projektnog partnera za zajedničko ulaganje u "blok 7" Termoelektrane Tuzla, čija ukupna investicija iznosi 1,499 milijardi maraka. Početak izgradnje planiran je za 2014., a završetak za 2018. godinu.

Direktor EPBiH Elvedin Grabovica na jučerašnjoj pres-konferenciji prezentirao je uvjete pod kojima kompanije mogu konkurirati na javni poziv.

### **Obavljeni razgovori**

Ovom prilikom objasnio je da još nije potpisan nikakav ugovor ni s jednom firmom, ali da su obavljeni razgovori s predstavnicima više od 20 kompanija, jer su na taj način željeli istražiti tržište i onemogućiti da se na javni poziv javi samo jedan ili nijedan investitor, kao što je to bio slučaj s prethodnom Upravom, s direktorom Amerom Jerlagićem i resornim ministrom Vahidom Hećom na čelu. Za isti projekt prije nekoliko godina prijavila se samo jedna kompanija "Alpiq", ali dolaskom na čelo EPBiH Grabovica je odbio potpisati ugovor s ovom firmom.

- Ono što se tražilo od "Alpiqa" je da ne ulazi u vlasništvo, da ne snosi rizik niti da investira, već da pomogne pri pronalasku finansijskog investitora te da preuzme automatski sve količine 50 posto bilansnih viškova koje će prilikom potpisa ugovora početi eksploatirati do izgradnje termobloka - kazao je Grabovica, ističući da je "ponosan što nije potpisao ugovor".

### **Dvije faze**

On je dodao da bi cijena električne energije koju je EPBiH trebala prodavati "Alpiqu" iznosila 38,4 eura po megavat satu.

- Kada se preračuna period u kojem bi oni struju koristili po ovako niskim cijenama, šteta bi iznosila oko 120 miliona eura po EPBiH - naglasio je Grabovica.

Partner će biti izabran na osnovu međunarodnog javnog tendera u dvije faze. Prva faza su pretkvalifikacije u okviru kojih se utvrđuje lista kvalificiranih kandidata. Druga faza predstavlja

prikupljanje ponuda od kvalificiranih kandidata između kojih će se, prema očekivanjima Uprave EPBiH, do kraja godine odabrati najpovoljniji projektni partner.

### **Kvalifikacijski kriteriji**

Kvalifikacijski kriteriji za učešće u postupku, između ostalog, podrazumijevaju da je kandidat u posljednjih pet godina profesionalno osposobljen da se bavi djelatnostima proizvodnje, prijenosa, distribucije i prodaje električne energije.

Zatim da je ostvario prihod iz relevantne djelatnosti u posljednje tri godine u iznosu od minimalno 1,5 milijardi eura godišnje, da je ostvario pozitivan kumulativan rezultat poslovanja u posljednje tri godine, da ima u vlasništvu jedan ili više proizvodnih elektroenergetskih objekata od po 400 MW ili više instalirane snage te da prihvata principe projektnog partnerstva.

### **Pozitivno poslovanje**

Direktor Grabovica istakao je da je EPBiH u prvoj polovini 2012. godine ostvaren prihod od 464,134 miliona KM, rashod od 458,111 miliona KM i konačnim rezultatom poslovanja od šest miliona KM.

- Svi tarifni kupci bili su redovno snabdjeveni električnom energijom. Završena je revitalizacija "Bloka 6" u TE Kakanj, a počela je i revitalizacija "bloka 6" u TE Tuzla. Pokrenut je i program ušteda na svim nivoima EPBiH - naglasio je Grabovica.

Objavljeno: 20.07.2012 13:23 | Autor: Onasa

Glavna tema razgovora bila su ekonomska pitanja kojima, kako je rekla Knotz, Njemačka pridaje izuzetnu važnost

## **Nikšić razgovarao sa njemačkom ambasadoricom Marijom Knotz**



Premijer Federacije BiH (FBiH) Nermin Nikšić primio je danas u sjedištu Vlade FBiH u Sarajevu ambasadoricu Njemačke u BiH Ulrike Mariu Knotz.

Glavna tema razgovora bila su ekonomska pitanja kojima, kako je rekla Knotz, Njemačka pridaje izuzetnu važnost, saopćio je Ured za odnose s javnošću Vlade FBiH.

Njemačka ambasadorica interesirala se i za aktuelnu političku situaciju u svjetlu prekompozicije vlasti, te za funkcioniranje Vlade, o čemu ju je premijer Nikšić detaljno informirao.

Istaknut je značaj stvaranja uvjeta da se realizira aranžman sa Međunarodnim monetarnim fondom (MMF), kao i da se naša zemlja što više približi punopravnom članstvu u Evropskoj uniji.

Bilo je govora i o mogućnostima otklanjanja administrativnih prepreka na različitim nivoima vlasti u cilju bržeg investiranja u određene projekte.

Posebna pažnja posvećena je ulaganju u elektroenergetski sektor, naročito u obnovljive izvore energije, kao što su solarna i vjetroenergija, u čemu postoji značajan interes njemačkih privrednika.

Premijer Nikšić je upoznao ambasadoricu Knotz sa mogućnošću investiranja u Blok 7 Termoelektrane Tuzla, o čemu je već raspisan međunarodni tender, i pozvao je da obavijesti potencijalne investitore iz ove zemlje da iskažu ineteres za ovo i druga ulaganja u našoj zemlji, navodi se u saopćenju.

Objavljeno: 30.07.2012 18:26 | Autor: F. KARALIĆ

Javni poziv bit će objavljen u svim relevantnim dnevnim listovima

## **Investicija u TE Tuzla od 1,5 milijardi KM: EPBiH raspisuje tender za najveći poslijeratni posao**



Javno preduzeće "Elektroprivreda BiH" (EPBiH) danas će raspisati javni poziv za odabir projektnog partnera za zajedničko ulaganje u "Blok 7" Termoelektrane Tuzla vrijedan oko milijardu i po maraka, saznaje "Dnevni avaz".

Ovo nam je potvrdio direktor EPBiH Elvedin Grabovica, koji je kazao da će javni poziv, osim u "Službenom", biti objavljen u svim relevantnim dnevnim listovima kako bi na taj način privukli što je moguće više potencijalnih investitora.

- Očekujemo da se u prvu pretkvalifikaciju prijave svi oni koji zadovoljavaju uvjete koje smo mi postavili tenderom. To je da imaju ozbiljne reference iz date oblasti, ozbiljan finansijski background te da su zainteresirani za onaj model koji nama najviše odgovara - kaže Grabovica.

On navodi da će EPBiH nakon toga tražiti oficijelne ponude od onih koji se budu kvalificirali. Grabovica očekuje da bi do kraja godine mogli izvršiti odabir najpovoljnijeg ponuđača, potpisivanje ugovora kao i svega što se tiče pregovaranja.

- Nadam se da bi realizacija najvećeg poslijeratnog posla mogla početi naredne godine. Investicija je doslovno milijarda i po maraka. To sa sobom nosi otvaranje novih radnih mjesta i zapošljavanje, zamjenu dotrajalih termoblokova koji izlaze iz upotrebe 2018. godine, zatim omogućavanje sigurnog plasmana rudnicima tuzlanskog bazena... - kaže Grabovica.

Inače, potencijalni investitor mora ispunjavati brojne kriterije, od toga da je ostvario prihod iz relevantne djelatnosti u posljednje tri godine u iznosu od minimalno 1,5 milijardi eura godišnje, pa do toga da ima u vlasništvu jedan ili više proizvodnih elektroenergetskih objekata od po 400 MW ili više instalirane snage.

Transparentnim objavljivanjem tendera nova je Uprava na najbolji način demantirala pojedine medije iza kojih, kako je to kazao Grabovica, stoje oni koji su potpisivanjem ugovora s "Alpiqom" imali namjeru oštetiti državu za stotine miliona KM.

Upravo je Grabovica odbio potpisati taj ugovor, jer bi, kako je to kazao, EPBiH bila u gubitku od oko 120 miliona eura. Razlog je famozna formula prema kojoj bi investitor uzimao viškove električne energije po cijeni nižoj od 40 eura po megavat satu.

Ugovor s „Alpiqom“, koji su forsirali bivši direktor Amer Jerlagić i resorni ministar Vahid Hećo, predviđao je da u prve dvije faze EPBiH isporučuje ovoj firmi viškove struje, i to po cijeni koja će pokrivati samo varijabilne troškove, odnosno, državna kompanija bi se u periodu od sedam godina "odrekla" 50 posto viška struje.

**BiH više neće morati uvoziti struju**

Nakon što bude završen posao ulaganja u "Blok 7" TE Tuzla, što bi se moglo dogoditi 2018. godine, direktor Grabovica kaže da će to osigurati da BiH više neće morati uvoziti struju.

- Ovo je projekt za budućnost, a ne za sutra - kaže Grabovica.

Objavljeno: 03.08.2012 21:18 | Autor: Fena

Blok 7 se gradi kao TE-TO blok i predviđen je za rad u kogeneraciji,

### **Blok 7 u TE Tuzla: Investicioni projekat vrijedan 1,5 milijardi KM**



Javno preduzeće "Elektroprivreda BiH" (EPBiH) raspisala je javni poziv za odabir projektnog partnera za zajedničko ulaganje u "Blok 7" Termoelektrane Tuzla, vrijedan oko milijardu i po maraka. Što se tiče dinamike realizacije ovog izuzetno značajnog investicionog projekta, u Elektroprivredi BiH su kazali da se donošenje odluke o izgradnji očekuje do kraja 2013. godine, početak izgradnje u augustu 2014. godine, a komercijalna proizvodnja krajem 2018. godine.

“Izgradnjom bloka 7 obezbjeđuje se zamjena za postojeće blokove, koji izlaze iz pogona do 2018. godine (2x32MW, 1x100MW i 1x200MW). Također, obezbjeđuje se kontinuitet proizvodnje uglja i prestrukturiranje Rudnika 'Kreka' u sklopu Koncerna JP EPBiH“, rečeno je Feni u EPBiH.

Inače, Blok 7 se gradi kao TE-TO blok i predviđen je za rad u kogeneraciji, čime se obezbjeđuje dugoročno snabdijevanje toplotnom energijom okolnih gradova, nakon prestanka rada bloka 3 i bloka 4 sa kojih se sada obezbjeđuje daljinsko grijanje. Treba omogućiti i povećanje energetske efikasnosti i u skladu s tim smanjenje emisije stakleničkih plinova.

U EPBiH kažu da se blok 7 projektuje u skladu sa savremenim tehnologijama (BAT) koje osiguravaju da emisija svih polutanata bude ispod dozvoljenih graničnih vrijednosti i zahtjeva legislativne EU i BiH (emisija polutanata u novom bloku će biti i do 20 puta manja nego na starim blokovima). Iz EPBiH navode da se zamjenski blok gradi na postojećoj lokaciji TE “Tuzla” gdje postoji potrebna infrastruktura. Obezbijeđeni su svi ulazni energenti -ugalj, voda...

„Također, obezbijeđeni su iskusni kadrovi u postojećoj TE i Rudnicima, koji mogu realizirati ove projekte. Obezbijeđena je infrastruktura za daljinsko grijanje u okolnim gradovima za rad blokova u kogeneraciji“, kazali su u Službi za komunikacije JP EPBiH dodajući da su dobijene sve potrebne dozvole i saglasnosti za donošenje odluke o izgradnji.



## Za izgradnju Bloka 7 Termoelektrane Tuzla 1,5 milijardi maraka

Subota, 04 Kolovoz 2012 07:53 Piše: A. Grabovac



SARAJEVO – Najveća kompanija u državi, sarajevska Elektroprivreda BiH, jučer je službeno objavila međunarodni javni poziv za pretkvalifikaciju za izbor projektnog partnera za zajedničko ulaganje u izgradnju Bloka 7 Termoelektrane Tuzla. Radi se o investiciji vrijednoj 1,5 milijardi maraka.

Kada su u pitanju osnovni principi za izbor projektnog partnera, treba naglasiti da prirodni resursi ostaju u vlasništvu Federacije BiH i ne mogu biti predmet privatizacije kroz zajedničko ulaganje.

### Izbor partnera

- Vlasnička struktura gospodarskog društva koje će voditi poslove pripreme, izgradnje i eksploatacije je predmet pregovora i modela partnerstva, odgovarat će udjelima partnera s tim da Elektroprivreda BiH ne može imati manjinski udio tijekom cijelog trajanja ugovora o partnerstvu. Elektroprivreda BiH će dogovoriti ugovor o partnerstvu na principu koji će osigurati sudjelovanje u upravljanju društvom kroz predstavnike u Upravi i Nadzornom odboru, a primjena konsenzusa je metoda za donošenje ključnih odluka. Partneri će se dogovoriti o raspodjeli prava na snagu i energiju proizvedenu u TE Tuzla Blok 7. Izgrađeni objekt ili dio proizvedene energije je jamstvo za financijske institucije. Vlada će razmotriti osiguravanje jamstava za financiranje cijelog projekta, objašnjavaju iz Elektroprivrede BiH čiji je generalni direktor Elvedin Grabovica.

Također, zajedničko vlasništvo nad osnovanim gospodarskim društvom se ograničava na određeno vremensko razdoblje, nakon čega se očekuje da Elektroprivreda BiH preuzme 100 posto vlasništva. Izbor partnera će biti izvršen na osnovi međunarodnog otvorenog javnog tendera koji će se odvijati u dvije faze. Prva je pretkvalifikacija u okviru koje se utvrđuje lista kvalificiranih kandidata, a druga faza podrazumijeva prikupljanje ponuda od kandidata u okviru kojih se bira najpovoljniji ponuđač.

### Precizni kriteriji

Propisani su i kriteriji za sudjelovanje u drugoj fazi. Kandidat mora u posljednjih pet godina biti profesionalno osposobljen baviti se proizvodnjom, distribucijom, prijenosom, trgovinom ili opskrbom električnom energijom, te da je ostvario prihod iz relevantne djelatnosti u posljednje tri godine u iznosu minimalno od 1500 milijuna eura godišnje ili ako je kandidat Konzorcij, tada lider Konzorcija mora ostvariti prihod u istom vremenskom razdoblju u iznosu minimalno od 800 milijuna eura

godišnje. Također, mora imati pozitivan kumulativan rezultat poslovanja u posljednje tri godine.


- Prema preciznim kriterijima, kandidat mora u vlasništvu/suvlasništvu imati jedan ili više elektroenergetskih objekata od kojih je minimalno jedan termoenergetski instalirane snage 400 MW i više ili da je proizveo i isporučio glavnu opremu ili izgradio ili upravlja, odnosno održava minimalno jedan termoenergetski objekt snage 400 MW ili više u posljednjih sedam godina ili da je financirao izgradnju bar jednog objekta slične složenosti ili vrijednosti – kažu u Elektroprivredi BiH.

Rok za dostavu prijava sačinjen u skladu s pretkvalifikacijskim dokumentom je do 14. rujna. Početak izgradnje Bloka 7 planiran je 2014., a početak proizvodnje električne energije 2018. godine

Objavljeno: 08.08.2012 10:52 | Autor: Az. S. - M. Aš

U Termoelektrani Kakanj za početak 2013. godine bila planirana gradnja Bloka 8

## Šta će biti s investicijom od 1,2 milijarde KM; Grabovica: Ne zaobilazimo Kakanj, ali Tuzla je prioritet



"Elektroprivreda BiH" raspisala je javni poziv za odabir projektnog partnera za zajedničko ulaganje u Blok 7 Termoelektrane Tuzla, vrijedan oko milijardu i po maraka.

### Reakcija Sindikata

Ta informacija s različitim je utiscima dočeka u Kaknju, gdje je u tamošnjoj termoelektrani za početak 2013. godine bila planirana gradnja Bloka 8. U ovom gradu, naime, krenule su špekulacije da će zbog gradnje novog bloka u Tuzli investicija u Kaknju biti odgođena. Kako saznajemo, Sindikat TE Kakanj ovih dana oglasit će se o ovom pitanju.

- Naravno da treba graditi Blok 7 u Tuzli i tu nema dvojbe. Ali se pitamo kako to da je Tuzla dobila prioritet u odnosu na Kakanj. Izgleda da je Blok 8, čija je vrijednost 1,22 milijarde KM, ostavljen u ladici za 2015. godinu - kazao nam je jedan od uposlenika TE Kakanj.

### Prijeka potreba

Nove investicije i nova radna mjesta s nestrpljenjem očekuju u Kaknju, gdje je broj nezaposlenih premašio 7.000, a broj uposlenih sa 8.700 sveo sa na 7.100 samo za protekle dvije godine.

Na molbu da prokomentira tvrdnje da je tuzlanski blok "neopravdani prioritet", Elvedin Grabovica, generalni direktor "Elektroprivrede", jučer nam je kazao da nema ništa sporno. Objasnio je da gradnja Bloka 7 u Tuzli ide po planu investicija i poslovanja u 2012.

- Tu nema ništa sporno ni nejasno. Tuzla ide prva jer postoje prijeke potrebe za gradnjom Bloka 7 u Tuzli. No, na ovaj način niko ne zaobilazi Kakanj - tvrdi Grabovica.

Objavljeno: 25.09.2012. 13:47 | Autor: Fena

## Investicija vrijedna 16,5 miliona KM

### Nikšić pustio u rad kombinirani stroj za potrebe TE Tuzla



U Termoelektrani "Tuzla" danas je pušten u rad kombinirani stroj odlagač - uzimač uglja na depou jedan TE "Tuzla".

Vrijednost investicije iznosi oko 16,5 miliona KM, a očekivani efekti ulaganja su kvalitetniji rad kotlovskeg postrojenja blokova 3, 4 i 5, povećanje energetske raspoloživosti, povećanje energetske efikasnosti i manja emisija polutanata dimnih plinova.



Sredstva je osigurala Elektroprivreda BiH, a oko 80 posto izgradnje su pokrile domaće firme.

Ovaj stroj u upotrebu su pustili premijer FBiH Nermin Nikšić te generalni direktor JP Elektroprivreda BiH Elvedin Grabovica i direktor TE "Tuzla" Izet Džananović.

## U TE Tuzla u rad pušten stroj vrijedan 16,5 milijuna maraka

Srijeda, 26 Rujan 2012 13:42 ; Piše: M. Šagolj



TUZLA – Modernizirani kombinirani stroj “odlagač – uzimač ugljena” na Depou 1 Termoelektrane Tuzla, jučer je pušten u rad. Simboličnim presijecanjem vrpce obilježen je početak novog načina rada, a vrpцу su presjekli Nermin Nikšić, predsjednik Vlade Federacije BiH, Elvedin Grabovica, generalni direktor Elektroprivrede BiH i Senad Sarajlić, izvršni direktor za proizvodnju.

### Kvalitetniji rad

Riječ je o investiciji vrijednoj od oko 8,3 milijuna eura (oko 16,5 milijuna maraka), a u financiranju projekta je sudjelovala Svjetska banka s kreditnim sredstvima u iznosu od oko 5,5 milijuna eura dok je ostatak sredstava osigurala Elektroprivreda BiH.

- Okončanjem ovog projekta, vrijednosti 8,3 milijuna eura, rekonstrukcijom Bloka 6 u TE Tuzla do kraja godine i pokretanjem izgradnje bloka 7, za koji se provodi tenderska procedura, Tuzlanska županija će postati najveće gradilište u Bosni i Hercegovini, istaknuo je Grabovica prilikom otvaranja.

- Očekivani učinci realizacije projekta su kvalitetniji rad kotlovskeg postrojenja blokova 3, 4 i 5, povećanje energetske raspoloživosti, povećanje energetske učinkovitosti i manja emisija polutanata dimnih plinova, smanjenje troškova unutrašnjeg transporta uglja, smanjenje negativnih utjecaja ugljene prašine, onečišćenih voda i buke te njihovo svođenje u okvire važećih propisa, rekao je direktor TE Tuzla Izet Džananović. Premijer Federacije je izrazio zadovoljstvo što je ispunjen još jedan u nizu zadatak Elektroprivrede i tuzlanske Termoelektrane.

- Očekujem da će se ovakvim tempom raditi i dalje, izjavio je Nikšić. Unapređenjem tehnološkog procesa odlaganja i izuzimanja uglja na raspoloživom prostoru, osigurana je kvalitetnija homogenizacija različitih vrsta ugljena i optimizacija kapaciteta i transportnih putova svih ugljena, koji se dopremaju u TE Tuzla, kao i racionalnije korištenje ljudskih resursa.

Generalni izvođač radova je Jointe Venture of ED-KSK (Engineering Doberasek Germany and Krušohorske strojirny Komorany a.s. Czech R.), a u realizaciji projekta učestvovala su domaće kompanije - Tehnograd inženjering Tuzla, Elcom Tuzla, ITT Inženjering Tuzla, Glajz Sarajevo, Tehnopedrol Tuzla, Rudstroj Kakanj, Termomatik Zenica i mnoge druge. U realizaciji projekta značajan doprinos su dali i zaposlenici JP EPBiH.

### Tri godine Koncerna

Inače, jučer je obilježen Dan Koncerna Elektroprivrede BiH. Koncern je, kako podsjećaju, uspostavljen 2009. godine, povezivanjem Elektroprivreda BiH d.d.- Sarajevo, kao vladajućeg društva i sedam rudnika ugljena u Federaciji BiH, kao ovisnih društava.


- Prilikom povezivanja rudnici su zadržali status samostalnih pravnih subjekata u kojima JP Elektroprivreda BiH, na osnovi vlasništva, vrši vlasnička i druga upravljačka prava, dodaje se u priopćenju. Od osnivanja Koncerna, ovo poduzeće provodi kontinuirani proces dokapitalizacije rudnika, pružajući konkretnu finansijsku pomoć za modernizacije i poboljšanje uvjeta rada i standarda rudara.

U proteklom razdoblju poduzeće je u rudnike ugljena uložilo čak 128 milijuna maraka (točnije 128,120.963 KM) vlastitih sredstava, za veliki broj realiziranih projekata i projekte koji su u tijeku realizacije. Za dokapitalizaciju rudnika poduzeće je planiralo ukupno izdvojiti 204,1 milijun maraka vlastitih sredstava.

Objavljeno: 01.10.2012. 06:08 | Autor: F. KARALIĆ

Uspješan početak najveće poslijeratne investicije

## **Blok 7 u Tuzli želi graditi 12 velikih svjetskih kompanija!**



Na tender za izbor projektnog partnera za zajedničko ulaganje u izgradnju Bloka 7 Termoelektrane "Tuzla", koji je nedavno raspisala "Elektroprivreda BiH" (EPBiH) prijavilo se 12 velikih svjetskih kompanija, saznaje "Dnevni avaz". Riječ je o najvećem poslijeratnom investicionom projektu vrijednom 1,5 milijardi maraka, u kojem će EPBiH učestvovati u osnovnom kapitalu do 25 posto.

### **Prvi pregled**

Generalni direktor EPBiH Elvedin Grabovica izjavio je za "Dnevni avaz" da se na preliminarnom otvaranju inicijalnih ponuda za prve pretkvalifikacije tendera za Blok 7 javilo 12 ozbiljnih kompanija, od kojih je 11 zadovoljilo prvi pregled.

- Očekujemo da će najmanje deset kompanija učestvovati u pregovorima i dati ponude za gradnju Bloka 7. Upravo ovim modelom, koji smo odabrali, načinom na koji smo odlučili da idemo u realizaciju, kao i brojem pristiglih ponuda pokazali smo ozbiljnost, ispravan način te kompetentnost ljudi koji sve to organiziraju. Poređenja radi, i ranije se pokušavalo i pričalo o investicijama te su se dva puta raspisali tenderi, ali se uvijek javljala po jedna kompanija - kaže Grabovica.

Ovim su, dodaje, na najbolji način demantirani pojedinci koji su optuživali Upravu EPBiH zbog potpisivanja memoranduma s kojekavim firmama sa po 20.000 eura osnivačkog kapitala. Zanimljivo je da među ponuđačima nema kompanije IFC-ICM. Umjesto "tašna-mašna" firmi, na tender su se javile ugledne kompanije, od koje četiri dolaze iz Kine, svjetskog ekonomskog diva. To potvrđuje i namjera kineske vlade koja je odobrila 10 milijardi eura za investiranje u region Balkana.



Javno preduzeće \_\_\_\_\_  
**ELEKTROPRIVREDA BOSNE I HERCEGOVINE**  
 \_\_\_\_\_ d.d. - Sarajevo

## 9. SPISAK PRIJAVA KOJE SU STIGLE NA VRIJEME

Registracijski broj	Naziv/ime podnosioca prijave	Datum prijema
1	CHINA MACHINERY ENGINEERING CORPORATION	10.09.2012 god.
2	LARKINTERNATIONAL DEVELOPMENTS INS.LTD	18.09.2012 god.
3	CHINA GEZHUBA GROUP Int.	24.09.2012 god.
4	SEPCO ELECTRIC POWER CONSTRUCTION CORP.	25.09.2012 god.
5	MVM OVIT National Power Line Company Ltd.	27.09.2012 god.
6	HTG NEW ENERGY INVESTMENT Ltd.	27.09.2012 god.
7	COBRA INSTALACIONES Y SERVICIOS S.A.	27.09.2012 god.
8	UNA WATER GMBH TRADING AND CONSULTING	28.09.2012 god.
9	SIEMENS	28.09.2012 god.

*Faksimil spiska kandidata koji su se prijavili: Zainteresirane ugledne svjetske kompanije*



- Upravo ove četiri kompanije pokazuju da su Kinezi ozbiljno zainteresirani za ulaganje. Interesantno je i da su se javile dvije japanske kompanije. Ulagati žele giganti poput "Seimensa", "Hitachija", španske "Cobre", zatim "Hrvatske elektroprivrede" u konzorciju s japanskom "Toshiba Corporation" te najozbiljnijom poljskom kompanijom "Rafako". Tu je i firma MVM Ovit, mađarska elektroprivreda s inženjering kompanijom, tačnije, mađarskim "Energoinvestom" - kaže Grabovica.

### **Generator razvoja**

On pojašnjava da sama vrijednost investicije - milijarda i po maraka - znači angažiranje domaće građevinske operative i domaće radne snage, odnosno otvaranje radnih mjesta. Ovaj projekt, prema njegovim riječima, može biti generator razvoja kompletne ekonomije, ne samo Tuzlanskog kantona ili Federacije BiH.

- Najveći značaj je, ipak, obezbjeđivanje sigurnog plasmata rudnika Tuzlanskog bazena i zamjena dotrajalih termoblokova. EPBiH ostat će lider u proizvodnji struje, čime ćemo izbjeći mogućnost da uvozimo taj energent - kaže Grabovica.

# OSLOBODENJE

EKONOMIJA

03.10.2012. | PIŠE: FENA

## RMK KAKANJ

### Pušten u rad sistem za prijem, utovar i transport uglja

**Ukupna vrijednost investicije koja je finansirana sredstvima RMU "Kakanj" i Javnog preduzeća Elektroprivreda BiH je 17.500 miliona KM**



U Rudniku mrkog uglja "Kakanj" danas je pušten u rad sistem za prijem, pripremu, utovar i transport uglja i ozvaničen početak radova na otvaranju jame "Begići-Bištrani".

Novi pretovarni sistem je jedinstveni tehničko-tehnološki postupak pripreme, otkopavanja, prerade i transporta uglja, koji će omogućiti smanjenje troškova transporta, a kapacitet ove tehnološke linije prilagođen je povećavanju proizvodnje uglja.

Ukupna vrijednost investicije koja je finansirana sredstvima RMU "Kakanj" i Javnog preduzeća Elektroprivreda BiH je 17.500 miliona KM.

U investiciju su uključeni: sistem za prijem, pripremu i utovar uglja vrijednosti 9,4 miliona KM, nabavka dviju lokomotiva - manevarske i vučne, u vrijednosti 3,5 miliona KM za potrebe transporta uglja od površinskog kopa Vrtlište do rudničke separacije, zatim, nabavka kamiona za transport uglja u iznosu od 652.000 KM, a u toku je nabavka 20 specijalnih vagona za prijevoz uglja vrijednosti 3,2 miliona KM. Svečanosti su među ostalim prisustvovali federalni premijer Nermin Nikšić, ministar energije rudarstva i industrije Erdal Trhulj, generalni direktor JP Elektroprivreda BiH Elvedin Grabovica i direktor RMU "Kakanj" Mirsad Jašarspahić.

Naglasili su ekonomski i ekološki značaj ovog projekta jer je dosadašnji transport uglja podrazumijevao svakodnevno 175 kamiona na lokalnim putevima, a puštanjem u rad novog pretovarnog sistema u potpunosti će nestati prašina, buka i ispušni gasovi, a eliminirane su i opasnosti za pješake. Ovim projektom ujedno se nastavlja modernizacija rudnika, humanizacija rada rudara i ispunjavanje cilja da u konačnici 2014. godine svi rudnici pa i RMU "Kakanj" počnu pozitivno poslovati te stvaraju pretpostavke za otvaranje novih blokova u termoelektranama.

Otvaranje nove jame "Begići-Bištrani" je investicija (druga faza, otvaranje dva niskopa) JP Elektroprivreda BiH u RMU "Kakanj" u vrijednosti 2,4 miliona KM.

# OSLOBODENJE


EKONOMIJA

03.10.2012. | PIŠE: Mirza DAJIĆ

## UGOVOR RAFINERIJE ULJA MODRIČA I ELEKTROPRIVREDE BIH

### Saradnja na obostrano zadovoljstvo

Čelni ljudi Rafinerije ulja Modriča i Elektroprivrede BiH jučer su u Zenici potpisali dva ugovora o nabavci repromaterijala za rudnike



Predstavnici Rafinerije ulja Modriča i Elektroprivrede BiH jučer su u Zenici potpisali dva ugovora vezana za nabavku motornih ulja, industrijskih maziva i masti za sedam rudnika vrijedna gotovo dva miliona KM.

Obje strane nisu krile zadovoljstvo zbog saradnje dviju domaćih kompanija i domaćih brendova. Ugovore su parafirali Senad Sarajlić, direktor za proizvodnju Koncerna JP Elektroprivreda BiH i direktori sedam zavisnih rudnika uglja

(Kakanj, Breza, Gračanica – Gornji Vakuf/Uskoplje, "Abid Lolić" Travnik – Bila, Kreka - Tuzla, Đurđevik i Zenica, s jedne strane, a Pero Dugić, generalni direktor Rafinerije ulja Modriča i Goran Bojić, u ime Inving-inženjering iz Prijedora, ovlaštenog distributera brenda Rafinerije ulja Modriča s druge strane.

### Tenderska procedura

"U sklopu redovnih aktivnosti vodi se postupak centralizirane nabavke za ulja, maziva i masti. Sprovedena je procedura tendera i, evo, došli smo u poziciju da zaključujemo ugovor sa ovlaštenim distributerima brenda Rafinerije ulja Modriča. Veliko je zadovoljstvo što je posao dobila domaća kompanija i nadamo se da će ova poslovna saradnja sa Rafinerijom ulja Modriča trajati duže", izjavio je Senad Sarajlić.

Prvi ugovor je vezan za nabavku motornih ulja za rudnike u vrijednosti 1,3 miliona KM, a drugi za maziva i masti oko 400.000 KM.

"Svjedočili smo važnom trenutku u bh. privredi, u uvezivanju dva značajna brenda. Na jednoj strani je Elektroprivreda BiH sa svojim rudnicima koji predstavljaju vrhunski brend u oblasti tehničko-tehnoloških karakteristika i zahtijeva koji treba da se ispoljavaju zbog složenosti opreme koja se

koristi u njima, a na drugoj strani lider u proizvodnji maziva i ulja u regionu – Rafinerija ulja Modriča.

Mi smo danas dali konkretan doprinos u povezivanju ta dva brenda i u konkretnoj akciji "Kupujmo domaće". Sa ovim smo dobili i da domaći proizvod sa vrhunskim karakteristikama bude u domaćoj proizvodnji, a ujedno riješili smo jedan veliki problem koji se javlja kada se uvoze strani proizvodi, a to su ekološki zahtjevi u zbrinjavanju ekološkog otpada u samoj proizvodnji.

Rafinerija ulja Modriča ispunjava sve standarde i zahtjeve koji se postavljaju u toj oblasti", istakao je Goran Bajić.

Čelni čovjek Rafinerije ulja Modriča je naglasio da za njega ovaj ugovor, osim komercijalnog značaja, ima i mnogo širi značaj u smislu dublje i kvalitetnije poslovno-tehničke saradnje između proizvođača kakav je Rafinerija i rudnika koji se bave proizvodnjom.

### **Domaći proizvod**

"Rafinerija ulja Modriča ovim ugovorom preuzima kompletnu brigu o primjeni i upotrebi proizvoda iz proizvodnog programa u rudnicima Elektroprivrede BiH. Ugovor je potpisan na godinu dana, a naravno očekujemo da ćemo i dogodne obnoviti ugovor i nastaviti našu saradnju. Inače, ranije smo potpisali ugovore sa nekim drugim rudnicima, tako da u ovom trenutku u svim rudnicima u BiH će biti proizvodi Rafinerije ulja Modriča u mehanizaciji", objasnio je Pero Dugić.

Rafinerija ulja Modriča je članica Optima grupe odnosno Nestro grupacije u kojoj su još i Rafinerija nafte Brod, Nestro Petrol i Optima grupa iz Banja Luke.

# OSLOBODENJE

VIJESTI > BIH

14.10.2012. | PIŠE: **Redakcija**

## DODJELOM NAGRADA

### Završena Rudarijada 2012. (FOTO)

**Ova sportska manifestacija tokom proteklog vikenda okupila je oko 300 učesnika iz cijele Federacije Bosne i Hercegovine**

S. Gubelić



Svečanim ručkom i dodjelom nagrada danas je na Ilidži završna Rudarijada 2012, sportska takmičenja radnika u rudarstvu.

Ovu tradicionalnu manifestaciju organizirao je Samostalni sindikat rudara u Federaciji Bosne i Hercegovine.

Ova sportska manifestacija tokom proteklog vikenda okupila je oko 300 učesnika iz cijele Federacije Bosne i Hercegovine iz devet rudnika crnog zlata.

Rudari su se takmičili u šest disciplina, mali nogomet, povlačenje konopca, odbojka za žene i muškarce, šah i stoni tenis.

# OSLOBODENJE

EKONOMIJA

01.11.2012. | PIŠE: FENA

## ELEKTROPRIVREDA BiH

### 11 kvalificiranih kandidata za zajedničko ulaganje u TE Tuzla

**Kompanija Una Water GmbH Trading and Consulting Company iz Švicarske proglašena je nekvalificiranim kandidatom zbog neispunjavanja kriterija za pretkvalifikaciju**



Javno preduzeće Elektroprivreda BiH (EPBiH) proglasila je 11 kompanija kvalificiranim kandidatima - podnosiocima prijava za izbor projektnog partnera za zajedničko ulaganje u Projekt izgradnje bloka 7 (450 MW) u Termoelektrani Tuzla.

U ovoj prvoj fazi izbora projektnog partnera su :

1. China Machinery Engineering Corporation, Kina
2. Harbin Electric International Co. Ltd., Kina
3. Konzorcij China Gezhouba Group

Company Limited, Peking, Kina (lider) i GEDI, Kina (član) 4. SEPCO Electric Power Construction Corporation, Kina 5. MVM OVIT National Power Line Company Ltd., Mađarska 6. Konzorcij SEPCO III Electric Power Construction Corporation (lider), Kina i HTG Development Group Co. Ltd. Kina (član) i Shandong Electric Power Engineering Consulting Institute Corp. Ltd. Kina (član) 7. Cobra Instalaciones y Servicios S.A. Madrid, Španija 8. SIEMENS A.G. Njemačka 9. Cengiz Enerji Sanayii ve Ticaret A.S. Turska 10. Konzorcij TOSHIBA Corporation, Japan (lider), RAFAKO S.A. Poljska (član) i Hrvatska elektroprivreda d.d. Hrvatska (član) 11. HITACHI Ltd. Japan, saopćeno je iz EPBiH.

Kompanija Una Water GmbH Trading and Consulting Company iz Švicarske proglašena je nekvalificiranim kandidatom zbog neispunjavanja kriterija za pretkvalifikaciju.

Nakon potpisivanja Sporazuma o povjerljivosti, kvalificirani kandidati - podnosioci prijava će biti obaviješteni o roku, načinu i mjestu preuzimanja tenderske dokumentacije za izbor projektnog partnera za zajedničko ulaganje u Projekt izgradnje Bloka 7 (450 MW) u TE „Tuzla“.

Elektroprivreda BiH je, na osnovu Odluke Nadzornog odbora EPBiH o osnovnim principima, kriterijima i metodologiji izbora projektnog partnera za zajedničko ulaganje u Projekt Bloka 7 u TE "Tuzla", 31. jula . 2012. godine objavila međunarodni javni poziv za pretkvalifikaciju za izbor projektnog partnera.

Na poziv za pretkvalifikaciju prijavilo se 12 kompanija iz Kine, Španije, Švicarske, Njemačke, Turske, Poljske, Mađarske, Hrvatske i Japana.

## Nužno je nastaviti suradnju i koordinaciju poslovnih aktivnosti

Petak, 14 Prosinac 2012 13:35 ; Piše M.Šagolj



MOSTAR – U sjedištu Elektroprivrede HZ HB u Mostaru, sukladno ranije potpisanom memorandumu o zajedničkim aktivnostima, jučer je održan radni sastanak uprava javnih poduzeća Elektroprivrede BiH i Elektroprivrede HZ HB d.d. Mostar.

Na sastanku je zaključeno kako ova dva poduzeća moraju nastaviti surađivati na području distribucije električne energije te na pripremi i izgradnji kapitalnih elektroenergetskih objekata. Također, istaknuto je da zajednički moraju nastupiti prema nadležnim tijelima kako bi se usuglasili postojeći propisi s aktualnim uvjetima poslovanja.

### Zajedničke aktivnosti

Jučerašnjim sastankom su, kako je priopćeno iz Elektroprivrede HZ HB, predsjedali Nikola Krešić i Elvedin Grabovica, generalni direktori dvaju federalnih elektroenergetskih poduzeća, a na dnevnom redu je osim izvješća o realizaciji dosadašnjih zaključaka bila i analiza rada formiranih stručnih timova za suradnju na pojedinim područjima te predstojećih zajedničkih aktivnosti.

Inače, međusobna suradnja dvaju elektroenergetskih poduzeća ima za cilj zajednički nastup prema regulatorima i federalnim institucijama radi postizanja optimalnih rješenja za funkcioniranje poduzeća, za upravljanje proizvodnim objektima i za suradnju vezanu za trgovinu električnom energijom.

- Zaključeno je da treba intenzivirati aktivnosti na poboljšanju daljnje suradnje i na području distribucije električne energije posebice zbog problema u funkcioniranju kompanije Elektroprijenos BiH, kao i na području pripreme i izgradnje kapitalnih elektroenergetskih objekata, priopćeno je iz Elektroprivrede HZ HB. Osim toga, na sastanku je ocjenjeno kako je potrebno zajedničko istupanje prema nadležnim tijelima u cilju usuglašavanja postojećih propisa s aktualnim uvjetima poslovanja.

### Rješenja za probleme

Čelni ljudi elektroenergetskih poduzeća u FBiH iznijeli su zajedničku ocjenu, odnosno da je nužno nastaviti ovakav vid suradnje i koordinacije poslovnih aktivnosti gdje god je to moguće, s ciljem proširivanja i stalnoga poboljšanja međusobnih odnosa, ali i iznalaženja adekvatnih rješenja za aktualne probleme s kojima se ova poduzeća u radu susreću.

Sukladno ranije utvrđenoj dinamici, potvrđeno je da će se sastanci na ovoj razini nastaviti održavati tromjesečno, priopćila je Elektroprivreda HZ HB.

## Masovno 'otimanje' za posao rudara

Nedjelja, 23 Prosinac 2012 21:10 ; Piše: M. Osmović



SARAJEVO - Kada je u svibnju prošle godine preuzeo dužnost generalnog direktora Elektroprivrede BiH, dr. Elvedin Grabovica je javno obećao da rudari više neće biti socijalni slučajevi nego će normalno živjeti od svog rada.

Obećanje je ispunio pa je danas posao rudara jedan od najtraženijih i na natječaje se javlja na stotine ljudi, najviše mladih!

### Važniji od nafte

U prošloj godini Elektroprivreda BiH investirala je u rudnike ugljena u Federaciji, koji su u sastavu tog koncerna, nešto više od 70 milijuna maraka. Sav taj novac uložen je u nabavu nove opreme koja je omogućila unaprjeđenje i povećanje proizvodnje i, što je još važnije, sigurnost rudara u jamama. Rezultat je stigao – nekoliko rudnika ispunilo je prije desetak dana svoje godišnje planove i ova godina je rekordna po proizvodnji ugljena. To je omogućilo nesmetan rad termoelektrana, rekordnu proizvodnju struje i urednu opskrbu, čak i u veljači kada su pale nezapamćene količine snijega i kada je u mnogim europskim zemljama došlo do pada elektroenergetskog sustava.

Grabovica najavljuje da će ukupna investicija Elektroprivrede BiH u rudnike ugljena u idućoj godini biti teška oko 80 milijuna maraka što će donijeti nove rekorde u proizvodnji. Svim rudnicima ugljena u Federaciji dana su i pismena jamstva da će Elektroprivreda BiH otkupiti njihovu proizvodnju, do posljednjeg kilograma. Oslanjajući se i na to, generalni direktor Grabovica priopćava da neće tražiti povećanje cijene električne energije.

Svemu treba dodati i najnoviju, prošlotjednu, analizu Međunarodne organizacije za energente (IEA) u kojoj se objašnjava uloga ugljena u budućnosti i tvrdi da će on za nekoliko godina biti važniji i od nafte. Navodi se da je nafta skupa, da će plin biti sve skuplji i da njegova nabava najviše ovisi o vidljivim i nevidljivim “državnim izvozno-uvoznim igrama“ pa će ugljen, kojeg ima dovoljno, biti najisplativiji energent. Sigurno je da u tom kontekstu treba promatrati i razvojnu strategiju za koju se opredijelila Elektroprivreda BiH.

### Plaća 1200 maraka

Danas prosječna mjesečna plaća rudara u rudnicima ugljena u Federaciji iznosi 1200 maraka, a toj sumi treba dodati i oko 300 maraka mjesečno na ime toplog obroka. Uz to, rudarima su osigurane i mnoge beneficije zbog težine posla koji rade. U rudnicima je zaposleno oko 10.000 ljudi, od čega je 2500 invalida rada koji redovito primaju pune plaće i imaju sve beneficije.

Međutim, Grabovica i njegov tim još uvijek nisu zadovoljni i smatraju da ima puno prostora za unaprjeđenje rada rudnika ugljena. Zbog toga je od uprava svih rudnika zatraženo da se pod hitno



Objavljeno: 24.12.2012. ; 16:15 | Autor: Fena

## Investicijski zahvati u energetsom sektoru

### **Rapa: U 2013. očekujemo intenziviranje izgradnje autoputa**



Jedan od najznačajnijih događaja u 2012. godini u poslovnom, odnosno privrednom smislu je aktiviranje izgradnje dionica autoputa na koridoru 5-C (Vlakovo - Lepenica i Suhodol - Tarčin) - smatra potpredsjednik Privredne komore Federacije BiH Avdo Rapa.

Nakon toga, po njegovom mišljenju, važan privredni događaj koji je obilježio godinu na izmaku jeste otvaranje pogona Preventa u Goraždu, a veoma značajnim ocjenjuje i pripreme za početak izgradnje Bloka 7 Termoelektrane "Tuzla".

-U 2013. godini očekujemo intenziviranje izgradnje autoputa na koridoru 5-C i već pripremljenih investicijskih zahvata u elektroenergetskom sektoru - kazao je Rapa za Novinsku agenciju Fena. Po njegovim riječima, veliki investicijski projekti angažiraju druge privredne kapacitete, građevinarstvo, proizvodnju materijala, usluge, trgovinu i drugo, čime se postiže punjenje budžeta i porast standarda stanovništva

iznutra remontiraju u smislu bolje unutarnje organizacije i preraspodjele posla. Naime, u rudarskim jamama radi oko 2500 zaposlenika svih rudnika, a svi ostali su u pratećim službama i administraciji. -Taj odnos hitno se mora izmijeniti u korist rudara, a u cilju povećanja proizvodnje i to ćemo svakako uraditi, kaže Elvedin Grabovica, generalni direktor Elektroprivrede BiH.



## **Dobit od 6,5 milijuna maraka**

Petak, 30 Prosinac 2011 12:35 ; Piše: M. Šagolj



SARAJEVO – Na jučerašnjoj održanoj godišnjoj konferenciji JP Elektroprivreda BiH (EP BiH), generalni direktor ovog poduzeća Elvedin Grabovica je kazao kako će ovogodišnje poslovanje završiti s pozitivnim rezultatom i dobiti od 6,5 milijuna maraka. Dobit se očekuje unatoč što je EP BiH u prvom polugodištu ove godine poslovala s gubitkom od 16,3 milijuna maraka te s najlošijom hidrološkom situacijom u posljednjih 60 godina.

### **Rekordna godišnja proizvodnja**

Prihod od povećanih tarifa električne energije, prema riječima Grabovice, iznosio je 25 milijuna maraka. Ovaj prihod je neutraliziran činjenicom da su povećane nabave ugljena za 41 milijun maraka, koji je uz to plaćan i po rekordnoj cijeni, 2,5 posto većoj nego u prethodnoj godini. Na jučerašnjoj konferenciji je naglašeno kako je EP BiH ostvarila rekordnu godišnju proizvodnju u poslijeratnom razdoblju od 7,373 gigavat sati, što je za 2,7 posto više nego godinu ranije. Što se tiče strukture proizvodnje, hidroelektrane su zbog suše, koja je najveća u posljednjih 60 godina, sudjelovale sa samo 15 posto, dok su termoelektrane sa 85 posto. Ako se ovi podaci usporede s rezultatima od prošle godine, hidroelektrane su sudjelovale u proizvodnji sa 30 posto. Također je naglašeno kako je zbog toga povećana potrošnja ugljena, pa su rudnici iskopali i isporučili maksimalne količine ugljena, koje su 15,6 posto veće nego u prethodnoj godini.

Grabovica je spomenuo kako je tijekom 2010. akumulirani gubitak rudnika iznosio oko 60 milijuna, a prema konsolidiranom izvješću u 2011. EP BiH očekuje gubitak od oko 40 milijuna maraka, što je, prema riječima Grabovice, pokazatelj zaživljavanja koncerna.

Generalni direktor EP BiH je podsjetio kako je postignuta cijena za 13 posto veća u odnosu na prošlu godinu. Raspisana su dva tendera, za prvi (na kojem je bilo 37 ponuda) ostvaren prihod od 11,5 milijuna maraka, dok je na drugom prikupljeno 30 ponuda, a ugovori su sklopljeni s najpovoljnijim ponuđačima. Među njima su konzorcij Rudnap i RE Power Adria (za prvi tender) i s EP HZ HB na drugom tenderu.

**Investicije u 2011.**

Elektroprivreda BiH je tijekom ove godine na proizvodnju utrošila 108 milijuna maraka, a u distribuciju 79 milijuna maraka. U godini koja nam slijedi, ovo poduzeće planira investirati 224 milijuna maraka. Grabovica je istaknuo kako su razine investicija u rudnike povećali sa 120 na 204 milijuna maraka.

“Kada smo mi iz nove uprave došli, zatekli smo investiranih 12 milijuna maraka u dokapitalizaciju rudnika. Taj iznos smo povećali na 26 milijuna maraka, a do sredine siječnja predviđano ukupne investicije od 45 milijuna maraka”, tvrdi Grabovica.

Ukupan plan investicija EP BiH u nove objekte iznosi 3,6 milijardi maraka. Generalni direktor je najavio da će u 2012. godini otvoriti gradilište na hidroelektrani Vranduk, male hidroelektrane na Neretvici i vjetroelektrane Podveležje, a vrijednost planiranih dugoročnih investicija je 3,6 milijardi maraka. Kompanija na računima banaka ima više od 200 milijuna maraka deponiranih sredstava prikupljenih iz amortizacije koja će biti upotrijebljena za izgradnju novih i rekonstrukciju postojećih objekata.